

CHRISTIANI TOBIAE EPHRAIM
REINHARD

Camentia Lufati

Medicinae et Chirurgiae Doctoris

nec non

Physici Saganensis

F E B R I S
miliaris purpuratae
Libri tres.

Praefatur

de

Mercurio remedio certissimo
aduersus Syphilidem
Carmin.

Adcedunt

de

Vulnerum hepatis lethalitate
et de
haemorrhagia pulmonis
Carmina.

Anno Aerae Christ. c1515 CCLVIII

Inpensis Auctoris.

Glogouiae

ex Officina Christiani Friderici Güntheri,

EPIGRAMMA

in

Hieronimi Fracastorii Veronensis
recusam Syphilidem.

Pfuî! sputo pellenda lues, cur ergo reuertis?
Dignior igne Iouis, dignior igne Stygis.
Forſitan humanum genus vt laniando necares?
Aufuge! ſic liceat non tibi luce frui.
Forſitan vt medicos nummis ditando beares?
Sic. Ter aue, et nobis hospes amata redi!

Reuerendissimo, Perillustri

ac

Amplissimo Domino,

DOMINO

I G N A T I O

DE FELBIGER

Antiquissimae ac Celeberrimae Ducalis Canoniae
Apostolici Ordinis Canonorum Regularium Sancti
Augustini, Congregationis Lateranensis ad
Diuam Virginem Sagoni

ABBATI, PRAELATO
INFVLATO,

ET

DOMINO,

COMMISSARIO EPISCOPALI

in spiritualibus

nec non

Inclutorum Statuum Ducatus Saganensis in
Comitiis prouincialibus et Regiis Septemui-
ratus iudiciis

ASSESSORI PRIMARIO

Mecoenati, Fautori ac Patrono
indulgentissimo, gratiosissimo,
optimo,

ad cineres vsque, omni, quo decet, pietatis
et reuerentiae cultu

fufcapiendo, deuenerando ac colendo

hanc

Carminum physico - medicorum
triadem,

se, fuaque qualiacunque officiorum genera in animi
grati tefseram, tanquam in immortalis
memoriae monumentum

cum

diuturnae fanitatis, et omnigenae felicitatis
piiffimo voto

D. D. D.

atque

ABBATIS ET PRAELATI

Sortitam Dignitatem, ex fincero cordis
affectu, gratulatur,

humillimus

Cliens, Seruus, et Auctor,

RE-

REVERENDISSIME, PERIL-
LVSTRIS, AC AMPLISSIME
DOMINE, DOMINE.

Diu me dubio anxium haesisse, aperte con-
fiteri, minime erubesco, an tenue præ-
sens, et TVO Nomine non satis dignum
humilis Camoenae opusculum TIBI REVE-
RENDISSIME ABBAS inscriberem. Quum
tamen mearum partium esse, optime intellige-
rem, TIBI et animi mei propensionem exhi-
bere, et mentis meae testari laetitiam, quam
ex summo isto honore percepi, qui nuper in
TE, volente sic Diuina Prouidentia collatus est.
Vt itaque aliquod modo obseruantiae meae erga
TE exstaret monumentum, hanc exilem lucu-
brationem potius, quam plane nihil offerre, ma-
lui. Exquisitissimus enim TVVS in rem litera-
riam Amor, me lactat spe certissima, fore, ut
ausus meos, licet ingenii sint tenuissimi, tamen

pro more TVO generoso fronte, excipias sereniori. IPSE literarum amantissimus, quin totus deditus es studiis sanctioribus: sic labores eorum, qui carminibus magis delectare, quam prodesse summa ope nituntur, flocci pendere, nunquam consuefcis. Tantum absit, ut tam fortunatus esse, aueam, sicut olim contigit Hieronymo Fracastorio Veronensi apud Pontificem Maximum Paulum Tertium; Tantum absit, ut eiusmodi secundae sortis particeps fieri cupiam, qua quondam iste sagacissimus Medicus, consummatus Philosophus, diuinusque Vates et Augur gauisus est, apud Patrem Purpuratum Bembum, cui egregium illud Syphilidis Poëma sacrum esse voluit: Vt potius TVA, REVERENDISSIME PRAELATE, singulari gratia, qua Naturae gnaros, et Musarum bonarum Cultores excipere soles, dignus censeris, omni, qua valeo, pica optem. Quo fidentius id abs TE efflagito, ut has pagellas TVO Nomine insigniri patiaris: Ita DEVS O. M. huic Spartae, quam aeterni Numinis

minis Nutu, Regis Optimi Auspiciis, Confra-
trumque TVORVM vnanimi Suffragio nactus
es, quamque nunc summa cum Sapientia mode-
raris, diu TE incolumem praeesse finat, arden-
tissimis votis precatur

TVI NOMINIS
REVERENDISSIMI, PERIL-
LVSTRIS, AC AMPLISSIMI
AMPLIANDI

Scribebam e Musaeo

Sagani

ipso Electionis die XXVIII Junii

c15 15 CC LVIII.

studioffimus

C. T. E. Reinhard.

ABBAS fIt, pLaVDo, CognoMIne
FELLBIGER! ergo

FaC, Pater oMnIpotens, fLoreat
ILLE DIV!

FEBRIS
MILIARIS PURPURATAE.
LIBRI TRES.

*P*urpura, Coffeae soboles, hominumque
Sepulcrum,

Tormentum medici, *Purpura*, pestis abi !

Praefatio

de

M E R C V R I O

remedio certissimo

aduersus Syphilidem.

Quum mortale genus quaeuis ad grata reclinans

Natura, superis Diis spretis atque Deabus,

Reginae Cypri daret et thus atque columbas,

Iupiter iratus, furias acherontaue mouit

Vt terris morbos inferrent, atque miasma,

Quo poenas luerent mortales temnere diuos

Sueti - Pestiferae Furiae phlegethonta relinquunt

Morbiferis nebulis comitatae, iussa supremi

Vt patris explerent, mundoque venena profano

Mira darent, succosque hominum, corpusque gra-
uarent

Mille malis, vitiisque quibus dura ossa dolerent

Nocte,

Nocte, quiesque simul cessaret grata, medulla
Queis ficcaretur, velut aruum solis ab aestu.

Sic ob contemptos superos, legesque Deorum
Irrepfit morbi species, quae Syphilis audit.

Syphilis incastae mentis iustissima merces!
Per te forma cadit faciei, pustula vultum
Defoedat, vox rauca sonat, perit inde loquela
Gratia, nunc graue olet, quem pulmo mittit ab ore
Spiritus, ut feriat nares, ceu foeda Mephitis;
Omnibus articulis accedunt nodus et vlcus,
Quae saniem plorant, quam nasus nauseat ipse.
Contractura pedes habet, et dolor vrget eosdem
Igneus, et macies deturpat lurida corpus,
Funera densantur iuniorum millia centum.

Tantas perniciēs, hominum fātor atque deorum
In coelo residens, quum cerneret, ille misertus,
Mercurium mandat, labi medeatur ut isti.

Mercurius vero supremi iussā recusans
Humani generis laesus per crimina, dictis

Non

Non voluit parere Patris. Sic Iupiter ira
 Percitus huic alas refecauit, sed vice earum
 Instruxit maiore pedes vi, curreret ut nunc
 Ocius, haud vero volitaret, ut ante solebat,
 Dum pennis esset munitus, iussit et illum
 Sub terrae centro et tenebris habitare profundis
 Hunc ut mortales ex imo viscere terrae
 Effoderent, possint certas ut habere medelas
 Huic opportunas labi. At sibi criminis olim
 Mercurius memor illati persistere nescit,
 Sed pedibus fretus, veloci tendere cursu
 Nititur e manibus tranctantis. Acumine vero
 Ingenii victus viuentum, cogitur ignis
 Ut fixus maneat flammis, ut denique saeuam
 Iram deponat, liquidis immergitur undis,
 Donec in hoc pereat furor omnis et ira leuetur.

Mercurius flammis sic fixus redditus, atque
 Crebro tinctus aqua, formam mutare priorem
 Dum scit, spiritibus Cereris perfunditur vstis,
 Admoto tandem viuaci saepius igne
 Torretur, donec Vulcani vi, pede fracto

Sessilis euadat, iaceatque podagricus, ante
Qui fuerat cursor quam velocissimus. Ille
Saepe saginatur multa pinguedine porci,
Fiat ut ex gracili, mirandum! abdomine tardus.
Atque latex in eum sputatur ab ore Saliuae
Sistere si non vult gressum, tandemque pudore
Suffusus perstat. Terebinthina glutinis instar
Glutinat, atque pedes illius firmat et omnem
Mercurii prohibet cursum. Coniungitur apte
Sulphur Mercurio currenti, sicque catenis
Istis auratis vincitur, dum super igne
Exacte teritur, miscendo surgit ab horum
Coniugio species, quae nigrescente colore
Gaudet et aetiopis vultum induit. Ergo medela
Optima contagi tam turpi cogitur esse
Mercurius, licet ille quidem, ceu flumen et aeuum
Currere tentaret. Tempus retinere quis audet?
Mercurium retinere tamen, valet artis acumen.

Quod felix, faustum, fortunatumque sit, opto!
de
F E B R E
miliari purpurata
libri tres.

Praefamen.

Purpura facua, ferox, vesanaque, *purpura* pestis,
Exitium sexus sequioris, flebile fatum,
Purpura progenies stygis et sacrae famis auri,
Hospes dira noui mundi, quae per maris vndas
Ad nos venisti. Prius o si Te mare vastum
Naufragio pessum, labes insana, dedisset!
Sic non in viduo lecto quereretur ademtam
Morte thori sociam, ceu celsa turtur ab vlmo
Fata gemens sociae, vigilans sub nocte maritus.
Sic non in cunis infans vagiret, et ipse
Defleret matrem, sic non fera fata sororis
Frater germanus gemeret, neque busta maderet
Neptis auus lacrumis, neque natae funera mater
Fleret. At haut votis est exorabile fatum.

Purpura decocti Bonnae foedissima proles.
Te cano carminibus moestis: At tutius esset
Si Te nescirem, nam non es carmine digna.

Cur Tibi tam pulcrum nomen titulumque superbum
Aetas nostra dedit medicis suadentibus? anne
Purpureus quoniam Tibi sit color? At color iste
Quum modo conueniat laetis, non tristibus aptus

Esse potest fatis. Lanienae nomine dirae
 Dignior es potius dirissima *purpura*. Sed dum
 Hoc Tibi perplacuit medicis imponere nomen;
 Non augebo tuum titulum, mutaboque nomen:
Purpura semper enim vesana vocaberis a me
 Dignior esse licet lanienae nomine fuescas.
 En! anabaptistae crimen vitare laboro.

Coeptis adspirate meis, quos *purpura* vestit,
 Patres, vera canam, matresque fauete canenti,
 Tuque faue laeto defuncta puerpera partu,
 Forte puerperium ne tristis *purpura* laedat
 Corripiatque tuum collum, pectusque tenellum
 Et te sic iugulet, fias vt triste piamen
 Mortis et infantis fletus, vulnusque mariti:
 Coeptis adspirate meis, quos *purpura* vestit!

Ast ego dum meditor versu describere morbum
 Antea inauditum, ratio suadere videtur,
 Vt prius exponam, breuiterque referre laborem
 Vnde sit illius morbi infelicis origo,
 Et quibus ille modis irrepserit, et typus, et quae
 Sint huius morbi symptomata, quois modo cunque
Purpura stipatur, quae cura sit, atque diaeta
 Huic quae conducat *labi*, qualesue tenere
 Cautelae possint in cura, dicere fas est.

Quam prius incipiam Te, candide Lector, oportet
 Scire: meis, aptum non nomen carminis esse
 Versibus. Id fateor: nunquam didicisse cothurnis;
 Sed sueuissse modo soccis incedere Musam
 Ex leuiore luto, non nobiliore creatam:
 Obseruata tamen, tibi dum fero, spe fruor alma
 Affore, vt ista tibi placeant ratione probata.

F E B R I S

miliaris purpuratae

liber primus.

§. I.

Ordiar, atque orsus primo procedat ab ovo,
 Vt simul vnde suos natales traxerit illa
 Detestanda *lues*, pateat, quae *purpura* nostris
 Dicitur a medicis, morborum lerna vocanda
 Horribilis, quid quod, medicorum scandalon et crux,
Purpura praecipue milii quae feminis instar
 In facie cutis effloret, prurigine nec non
 Febre mala coniuncta furit, dirisque fatigat
 Spasmis faemineum, tenerumque et amabile corpus.

§. II.

Vix prius audito, dedit incunabula, *morbo*,
 Praeteriti saeculi medium, quo pharmaca fecit
 Spirituosa, sagax medicorum inuentio, morbos
 Quois debellaret. Medici sed maxima damna
 Humano generi, non commoda grata tulerunt.
 Namque his a mediis agitated sanguinis humor
 Concipit orgasmum, ut nisu maiore feratur
 Ad faciem cutis: Ast illuc delata serosa
 Pars in vasorum tubulis subtilibus haeret,
 Et stagnat; Verum stagnando fit acrior, illuc
 Pars delata feri: Mora et innatus calor augment

Sub cute stagnantes , ac acri forde repletos
 Humores , hinc hi rodunt , punguntque tenellas
 Nervorum fibras , et in illis vlcera parua
 Parturiunt , haec vt papularum more resurgant,
 Atque efflorescant. Oriatur vt inde , necesse est
Purpura , quae stimulare cutim prurigine suescit.

§. III.

At si nervosae fibrillae iustius aequo
 Acribus a succis stimulantur , prodit acuta
 In scenam febris , quae spasmō spicula tentat
 Excutere haec infixā cuti , tubulosque pororum
 Obstructos referare , nimis ne obstructio laedat,
 Exitiumque ferat lethale! Solere , sciendum est,
 Motus febriles prodire , tenereque corpus,
 Si conuellantur nerui , si visceris atque
 Exstat vasorum , remorans obstructio , cursum
 Sanguinis aequalem , sine quo non vita salusque
 Perdurare diu possunt , sed cedere retro
 Coguntur , quare veniat mors atra , necesse est.

§. IIII.

Purpura continuo tenet hos , multumque fatigat,
 Quos modo spirituum nimius delectat abusus.
 Vidi purpureos patres , quos nullus in vrbe
 Roma condiderat Praeful , sed solus abusus
 Spirituum vltorum vini generauerat. Ergo
 „ *Diuisum tenet imperium cum Praefule vinum,*
 „ *Ars , ex frumentis , quod stillatoria fundit?*

§. V.

Non nostro morbo natales sola dederunt
Pharmaca spiritibus saturata : Sed altera causa
Atque subest princeps , ex qua incrementa , maligna
Illa lues traxit. Fructus Coffea vocatur,
Qui morbum genuit tam saevum , tamque malignum :
Terra dat hunc oriens fructum , quae per mare vastum
Mittit ad Europam fructum , morbumque recentem
Infert cum fructu simul orbi. - Gignitur a re
Saepe nova , mox utilitas nova , mox nova labes.

§. VI.

Centum fluxerunt anni , quæis prodiit illa
Purpura nota prius nulli. Flagrasse , quis autem
Nesciat horrendi belli , miserabile dictu ,
Flammam praeterito saeculo sex lustra furentem ,
Urbes vastantem , pagos populosque ruina
Delentem ? Verum Summi moderamine *Iouæ*
Praeteriti saeculi medio pax Vuestphalica , hoc in
Europæ tractu prodibat , qua , data tandem
Libertas Batavis fuit , ut quas India mittit
Merces inferrent Europæ. Lipsia quare
Accepit Bonnae fructus Coffea vocatos ,
Quorum deliciis deceptus ciuis , eosdem
Appetiit , nimiumque simul reuocavit in usum ,
Praecipue sexus sequior , qui ponere nescit
Et seruare modum rebus , dilexit abusum
Decocti Bonnae , sibi quo contraxit acerbum
Atque nouum morbum , qui se coniungere suescit
Vsque puerperio cum tetra labe salutis.

„Eece! suas noxas habet immoderatio: Sicut
 „Vtilitate sua, finisque modusque beantur.

§. VII.

Quod sit origo mali Coffeae prauus abusus
 Apparet satis ex illius partibus, ex quibus
 Constat principibus. Nam tostus fructus ab igne
 Empyreumaticas oleosas sulphure foetas
 Partes subpeditat. Nocet empyreumate nervis
 Bonnae decoctum, ac humorum, Sulphure, massae
 Suescit obesse suo, et noxas valet addere vitae.
 Sulphur et empyreuma nocent, pariuntque tremores
 Membrorum, faciunt infomnia, pectoris atque
 Cordis producant morbos, capitisque relinquunt.
 Nam stimulant nervos, stimulis fortiter illis
 Humor purpureus citius per vascula currit,
 Fortior adtritum globulorum sanguinis urget
 Vascularum fibras nervosas, concipit inde
 Ex cursu celeri maiorem massa calidior;
 Concipit hinc aestus maiores, nascitur ergo
 Sanguinis orgasmus, qui dum rare facit omnes
 Succos in vasis contentos, sanguinis inde
 Crassae particulae trudentur robore forti
 In tubulos minimos, qui crassas hasce recusant
 Et non admittunt naturae lege, fit ergo
 In minimis istis tubulis praestructio, febrem
 Istam producat tam saevam, tamque malignam,
 His simul accedit, quod potus ab igne calefcent
 Augeat, id Sulphur, quo seit Coffea valere.

§. VIII.

Sorbetur calide potus, donec solet artus
Sudor habere, feri multum prorumpit abinde
In cute, quae laxatur eo, decrescit in illa
Hinc tonus, hoc fracto, cumulatur copia propter
Deiectas fibras, hinc fit stagnatio, quare
Vi calidi innati corruptio prouenit, illa
Vulnerat atque cutim rodit, rodendoque parua
Vlcera pruritu suescunt prodire molesta,
Mille modis corpus laedentia, febris acuta
Illis esse comes solet indiuulsus, et inde
Cuncta sequi, cernis, quae supra scripta leguntur.

§. VIIII.

„Praesule romano Coffea potentior est, nam
„Dummodo purpureos patres valet ille creare,
„Sed non purpureas matres. Quas non modo Bonnae
„Decoctum creat, at simul illud vestit vtrumque
„Purpurea tunica, quod non *Sanctissimus* audet.
Si miscere iuuat cum dulcibus vtile rebus,
Seria iucundo licet immiscere lepori:
Dummodo non insint verbis blasphemia iocosis.

F E B R I S

miliaris purpuratae

liber secundus.

§. X.

Explicitis igitur causis et origine labis
 Exposita *febris miliaris* nomine dictae,
 Quam neque cognouit Latium, neque Graecia vidit
 Progredior tandem, ut vobis symptomata morbi
 Illiusque typum monstrarem, et signa referrem,
 Ex quibus euentum praedicere, siue malignum
 Siue salutarem possitis. Ut ordine iusto
 Procedam, quid sit *miliaris purpura* pandam.

§. XI.

Purpura, seu *febris miliaris* dicitur, esse
 Morbus continuus nec non adfectus acutus
 Stipatus maculis rubris, prurigine iunctis
 Et rubeis papulis, ichore scatentibus albo
 Sic, ut eae specie referant miliaria grana.

§. XII.

Ergo suum nomen *miliaris purpura* ducit
 A milii specie, quam prae se ferre tumentes
 Illius papulae consuecunt, atque colore

Purpureo, nostris oculis quem stigmate multo
Purpureo maculata cutis texura tenellae
Exhibet. Hinc ob eas causas *haec febris acuta*
A medicis gnaris, *miliaris purpura* dicta est.

§. XIII.

Non ignorandum est: *Febres* instare maligni
Moris *purpureas* *miliares* nomine dictas,
Si languor corpus tenet, ac si corporis ossa
Fracta forent, molemque pedes si corporis aegre,
Et vix ferre queunt, tenebras si lumen vtrumque
Sentit, si vertigo caput gyrofa molestat,
Aures si tinnire solent, fastidia mentem,
Nec non anxietas pectus, si syncope vitam,
Sique stupor sensus omnes inuadere tentant.
Nausea si vomitusque tenent, stomachumqueprehendunt,
Turbidus et si fit somnus, quem terror et angor
Atque pavor, strepitus dentis, phantasmaque soluunt,
Sic, vt abinde quies aegrotis nulla resurgat,
Sed potius languor pertentet corporis artus.

§. XIII.

Febres purpureas *miliares* esse futuras
Sit tibi pro certo signo: Si corpus et artus
Saepe perhorrescunt, vel multo frigore torpent,
Aestus si corpus, cen Phoebus rura perurit.
Si suis affligit nullo releuanda liquore,
Exsiccatque sua torretque vredine fauces.
Torni sique truces oculi sunt, atque minantes,

Horridus adspectu si vultus, sique loquela
 Ipsa est intercepta, simul deliria mentis
 Si veniunt, spasmus cynicus si distrahit ora
 Sic, ut iurares hominem comedisse furentes
 Herbas, quas alit et profert sardoniam tellus.
 Sique labore sopor, plenusque pauore molestat,
 Si sunt excubiae releuante quiete carentes,
 Sique omnes vires amittunt corporis artus
 Sic, ut non valeat propria se sponte mouere
 A latere in latus hic orbatus viribus aeger.
 Si premit anxietas, nec non angustia pectus,
 Si fauces dolor ac ardor vehementius vrunt,
 Anginamque creant, si dorsum et membra dolores
 Tensiuos sentire solent, si stigmata multa,
 Picta colore rubro, nimia prurigine iuncta
 In cute prorumpunt, papulaeque ichore grauatae,
 Quae cutis in facie surgunt, miliaria grana,
 Formae respectu referunt. Ast id genus, huius
 Ad faciem cutis, excreti, praecordia, collum,
 Et superos artus, cum pectore suescit habere.

§. XV.

Efflorescere solent, exorta febre secundam
 Postque diem quartam maculae, tunc intumet atque
 Aspera fit cutis atque rubet, pruritque, sed istis
 Exortis maculis rubris se saeva remittit
 In cute prurigo, suescitque remittere febris
 Aetius paulatim, cutis inde madore beatur.

§. XVI.

Verum scire decet: corpus sudore madere
 Ominis esse boni. Nam sic diffatur in auras
 Noxia materies, quae damnum ferre saluti
 Asolet, vt pulset mors atria. Forte diebus
 Elapsis aliquot papulae siccantur, vt instar
 Squammarum soleant cadere atque relinquere corpus.
 Aeger pelle noua vestitus viuere vitam
 Incipit inde nouam, gaudetque salute recenti.

§. XVII.

Isti subcumbit plerumque puerpera febrī,
 Imprimis, haec si dum foetum ventre gerebat
 Otia dilexit valde, potusque calentes
 Sorbillauit et his laxauit iustius aequo,
 (Vt fluerent nimium sudores) vascula, nec non
 Oscula, quae cutis ostendit, sub voce pororum.

§. XVIII.

Febreque corripuntur ea, qui coelibe vita
 Strictius vtuntur. *Febrisque superuenit illi,*
 Qui saeuo morbo, nec non decumbit acuto,
 Imprimis hic si calidi medicaminis vsu
 Intempestiuo fuerit tractatus. Obesse
 Internus calor ac externus suescit in omni
Febre, potestque simul miliarem gignere febrem.

§. XVIII.

Accidit interdum, vt *miliaris purpura* surgat,
Aeris ex vitio prognata, inuadere tentans
Innumeros homines sua per contagia saeva.

§. XX.

Scire tamen refert: *Febrem* producere posse
Istam purpuream miliarem, quidquid in ipso
Sanguine maiorem pollet generare calorem;
Et quidquid stimulare solet, cursumque ciere
Sanguinis, et nimium sudores pellere, *febri*
Scit dare *natales miliarum*, siue sit extus
Membris adplicitum, sumtum intus siue per os sit.

§. XXI.

Ista lues numerum certum, fixumque dierum
Non habet, obseruat durandi tempora, nulla
Certa, sed ista modo durat pro viribus aegri,
Et ratione mali, brevis est aut longa, Salutem
Affert, aut mortem, vel fit translatio, per quam
Saepe nouus morbus venit immedicabilis arte.
Nam post se varios relinquit *purpura* morbos,
Quin ipsam mortem *miliaris purpura* gignit.

§. XXII.

Febres purpureas miliares esse periculi
Plenas, scire licet. Quamuis medicaminis usu

Legitimo fuerit depulsa, reuertere suescit
Vsque tamen, iugulatque suo, Laniena veneno.

S. XXIII.

Absurdum scitu non est, discrimen adesse:
Semipatente oculo si dormit *febre* prehensus
Aeger, vt illius modo portio fulgeat alba,
Vel si viuaces oculus mutare colores
Incipit, vt plane turbetur vitreus humor.
Si rubet atque tumet, si torrida lingua fit, atque
Fissuras agit, et plane niger est color illi.
Horridus adspectu si vultus, sique minantes
Atque truces oculi sunt, tempora si caua fiunt
Et collabuntur, si frigidus et fit acutus
Nasus, si frigus, si corrugatio vtriasque
Occupat auriculas, si concaua lumina fiunt.
Si nerui saliunt, si spasmus concutit artus,
Nescia si sibi mens est, atque volubilis errat.
Aeger si loquitur delira, sepultus in alto
Si somno recubat stupidus, nimiumque profundo,
Si grauiter spirat *miliari febre* laborans,
Si sese retrahit pulsus, quandoque remittit,
Si tonus in membris vitalis deficit omnis.
Ad plantam vtriusque pedis si voluitur aeger,
Vrinam vesica suam si fundit, et anus
Absque voluntatis iussu sua stercorea mittit.
Si largus gelidus sudor de corpore manat,
Si muscas capit, et si floccos colligit aeger,

Nec non festucas vanas e pariete carpit, *)
 Partes extremas si sensus frigoris vrit,
 Si nimis internus coquit aestus viscera, mors fit.

*) Non ignorari oportet: Coelum Aurelianum consue-
 uisse, decerptionem ex operimentis fimbriarum, siue
 floccorum collectionem, crocidismum nominare, et
 festucarum leuium a parietibus detractionem siue
 festucarum euulsionem, carphologiam appellare libr. I.
 morb. acut. cap. V. §. 48 pag. m. 19.

§. XXIII.

Ast haec eueniunt, quia retro *purpura* cedit,
 Et quia materies venis absorpta nociua,
 Sanguinis infertur massae, qua noxa saluti
 Nascitur, imprimis si taugit nobile viscus.
 Omnia si fiunt quae commemorata leguntur,
 Ante fores hylax ululabit, noctua, cornix
 Et genus infelix auium funebria fundent
 Cantica, queis mortem, praedicent, esse propinquam.
 Nam quia particulae putridae, quas spargit in auram
 Exhalans foetum foeda putredine corpus,
 Illorum nares feriunt, animantia mota,
 Spe, veniunt, fore, vt his, sint esu pabula grata.

§. XXV.

Ominis esse boni, non ignorare iuuabit:
 Si vigor et color est oculorum viuus, atque
 Naturalis, habet si transpiratio corpus
 Lenis et aequalis, si mens est conscia rerum,

Sique

Sique loquela valet, si respiratio constat,
Nec grauis est, et si moderatior aestus adurit,
Et si vis vitae viget aegri, cedere retro
Haec ut non possit *miliaris purpura*, si mens,
Et somnus perturbantur phantasmate nullo:
Tunc spes est, fore, ut *haec* superetur *febris* ab aegro.

§. XXVI.

Aluus stricta, bonum signum est, si *purpura* floret;
Profluuium contra nocet alui. Namque repellit
Illud *purpureas miliares* e cute *labes*.
Aures si surdae fiunt, et in aure parotis
Si venit, abscessus si surgunt, spes bona fulget.
Nam sic colligimus: quod sit translatio *labis*
Corporis ad partes externas facta, malignae.

§. XXVII.

Verum scire licet: consumtis viribus aegri,
Purpuream febrem miliarem cedere retro,
Et morbum longum, et chronicos producere morbos,
Quin saevae mortis discrimen, tristeque fatum:
Imprimis *haec* si vitalia viscera tangit,
Haecque petit bibulis a venis *purpura* sorpta.

§. XXVIII.

Ad caput et partes eius si *purpura* retro
Cessa ruit, caput inde grauat, diroque dolore
Illius partes exercet, easque fatigat.

§. XXVIII.

§. XXVIII.

Noxia materies *miliaris febris* habere
 Si fuescit cerebri tunicas, sub voce meningum,
 Retrolapfa, venit conuulsio fpasfica, vultum
 Et totum corpus conuellens, coma, carusque
 Lethargusque premunt, apoplexis subprimit omnes
 Vitales sensus, animales deiecit omnes,
 Sic, vt mors veniat, nisi retro *purpura* cessa
 Auxiliis medicis reuocetur. Saepe fit ista
 Vt *febris labes* oculos petat, vsus in illis
 Luminis vt pereat. Si retro *purpura* gressa
 Auditus nervos inuadit, in aure perire
 Affolet auditus. Tumet, abscessuque parotis
 Destruitur, *febris miliaris* noxius humor
 Si cadit ad glandes sub eodem nomine notas.
 Vox filet, ad linguae nervos si *purpura* fertur,
 Anginamque parit si fauces occupat, asthma
 Prouenit in viscus pulmonis si cadit, atque
 Constringens iugulum fuescit prodire catarrhus,
 Tophos, abscessus, vomicas tubercula, pulmo
 Continet, his oritur phthisis immedicabilis arte.

§. XXX.

Noxius in diaphragma *luis* si labitur humor
 Inde statim viscus lethalem concipit ignem,
 Tristes singultus veniunt, sphacelusque resurgit.

§. XXXI.

§. XXXI.

Adgrediens pleuram *miliaris purpura* retro
 Lapſa, parit morbum pungente dolore moleſtum,
 Quod genus a medicis pleuritis acuta vocatur,
 Et peripneumonicus ſociatur morbus acutus
 Si pulmo ſimul in conſenſum ducitur, atque
 Illuuiem patitur *miliaris febris*, et illa,
 Et peripneumonicus morbus, pleuritis acuta
 Inter ſe ſueſcunt ſemper, mirabile viſu,
 Conſpirare, venit pus, inflammatio ſurgit,
 Naſcitur abſceſſus, ſphacelus cum morte creatur.

§. XXXII.

At ſi ventriculi tunicas habet illa repulſa
Purpura, ſi neruos tenet, intellina fouere,
 Quos ſueſcunt, oritur dolor intolerabilis, ignis
 Lethifer exſurgit, gangraenaque morsque reſultant,
 Interiora premunt flammae, ſed frigora multa,
 Exteriora tenent. Tunc mors in limine pulſat.

§. XXXIII.

Sique meſenterii glandes laeduntur ab *illa*
Labe venire ſolent obſtructio, pure repletus,
 Abſceſſus, ſcirrhus durus, corruptio, morsque.

§. XXXIIII.

Purpura ſi retro cadit e cute, corque ſubintrat,
 Prodit concutiens epilepſis corporis artus,
 Inducens aegris lethum miſerabile viſu.

§. XXXV.

§. XXXV.

Labitur in iecur et splenem *miliare venenum*,
 Et parit abscessus, scirrhos variosque tumores
 His in visceribus, tunc morbus regius artus
 Inficiens croceo, nigroque colore resurgit.
 Nunc abdomen aquis hydrops pronascitur implens,
 Hectica nunc oritur febris, quae membra calore
 Lento, profluviiis alui, sudoreque siccat.

§. XXXVI.

Vesicamque petit *miliaris* noxia *læbes*
 Et generare solet mala millia, scilicet inde
 Mictus subprimitur, dolor ingens occupat ipsam
 Vesicam, tenet hanc abscessus pure grauatus
 Haec inflammatur sic, ut mors congelet artus.

§. XXXVII.

Purpura matricem si retropulsaprehendit
 Spasms horrendis corpus conuellitur, atque
 Vlcera proueniunt, gangraenaque morsque resurgunt.

§. XXXVIII.

Labitur in renes virus *miliare* recedens,
 Et deuastat eos, ut prauo pure liquecant.

§. XXXVIII:

At fieri solet, vt virus miliare repulsum
Occupet articulos, horumque ligamina tangat
Sic, vt in his pungens oriatur sensio, nec non
Prodeat arthritidis fera, contractura resultet.

§. XXXX.

Verum scire iuuat: deuicta *febre* tumores
In cute pronascei tota. Discriminis expers
Esse solet nunquam *miliaris purpura*. Namque
Hepatis abscessus, nodos, scirrhosque lienis,
Vlcera pulmonis, vomicas tubercula tophos,
Atque mesenterii labes, vitiumque cruoris
Hystericos morbos, post se spasmosque relinquit,
Et plures alios, quos enumerare profanum
Absurdumque foret, quoniam brevis esse, laboro.

F E B R I S

miliaris purpuratae
liber tertius.

§. XXXXI.

Historia *morb*i memorata, dicere restat,
 Commoda quae methodus sit, quae curatio *febri*
 Isti conueniat *miliari*, quaeue diaeta
 Aptā sit, et quodnam regimen conducere possit,
 Quod genus auxilii valeat reparare salutem,
 In cura quāenam seruari cautio possit:
 Ne laesisse magis quam conseruasse profanum
 Accuset vulgus medicos ratione valentes.

§. XXXXII.

At medicus fuerit si factus certior istis
 Signis, *purpureas miliares* esse futuras
Febres, intendat neruos, vt noxiū humor
 Sanguinis in massa latitans erumpat in artus
 Summos sub specie rubicundi stigmatis, atque
 Pure refertarum papularum, grana referre
 Suetarum milii. Proruptis in cute rubris
 Stigmatibus, papulisque rubris, sit cura medentis,
 Effloratarum, ne retrocessio fiat.

§. XXXXIII.

§. XXXXIII.

At si forte retro *miliaris purpura* cessit,
Expellenda cito, ne maius abinde periculum
Prodeat, aut mortis discrimen. Oportet et ipsam
Humorum massam, medicum, purgare medelis
Huic opportunis *labi*, ne forte recurrat
Purpura legitima methodo sanata. Redire
Assolet, et redeundo solet discrimen habere.
Ergo novos studeat medicus prohibere recursus,
Ne morbi veniant *miliari* a *febre* creati
Praecaueat; Nam non alienum est: linquere, post se
Quod morbos chronicos *miliaris purpura* suescat.
Attamen exorti fuerint si denique morbi
Post *istam febrem miliarem*, muneris esse
Vsque sui memorem, medicum decet, hisque mederi,
Laedere, quae corpus possit, ne mica supersit.

§. XXXXIII.

Tandem a *purpurea miliari febre*, medentis
Cura, deiectus tonus est reparandus, ut huius
Iudicio veniat spes exoptata Salutis.

§. XXXXV.

Istos mente scopos teneat, medicusque reuoluat,
Eius ne culpa veniat iacturaque, morsque,
Neue suae famae maculam fortassis inurat,
Dum dat pessum aegri, *miliaris purpura*, vitam.

§. XXXXVI.

Quae modo cunque queunt *labem* deducere versus
 Exteriora cutis, dare conuenit. Ergo paretur,
 Ex sudorifero stibio, conchisque marinis
 Atque nitro, puluis, modo qui moderatur et aestum,
 Atque mouet blandos sudores, si datur ille
 Alternis horis cum conueniente liquore,
 Scordia, sambucus, qualem, scabiosa, galega
 Fundunt stillando: Iuuat illis addere citri
 Vel ribium succos, et mel, vel potio fiat.
 Succo sambuci adiecto super igne secundum
 Artem inspissato, iungatur spiritus hisce
 Sambuci atque nitri. Mixturae simplicis, horis
 Da matutinis, dosin, lenemque madorem
 In lecto expectare iube. Sic in cute summa
 Si florent maculae rubicundae, camphora danda est
 Atque nitrum, lapides cancrorum, tunc dare, refert,
 Sulphuris aurati granum, vel iungere praestat
 Omnibus his autum fortitum a fulmine nomen.
 Aut ex laudatis liquidis cum semine napi
 Cannabis atque papaueris albi emulsio fiat.
 Offer cum vino myrrham, si *purpura* tardat
 Efflorescere, retrolabi vel si cupit. Hisce
 Auxiliis *labes* expellitur, hisque cauetur
 Ne retrocedat *miliaris purpura* versus
 Interiora, petatque eius, cor, pectora; virus.

§. XXXXVII.

Ante erumpentes maculas si pectoris vrget
 Anxietas, vel si post retro forte ruentem
Labem purpuream miliarem pectora torquet,
 Mox oleum, quod amygdala pressa dat, offer
 Camphora coniungatur ei cum spermate Ceti
 Pectoris anxietas subfocativa, recedet,
 Liber et euadet pulmo, spiratio sese
 Anxia, anhela, frequens, brevis, interrupta remittet.

§. XXXXVIII.

Sanguineam massam vitata labe scatentem
 Expurgare decet medicum, ne *purpura* post se
 Morbos relinquat, vel iam sanata recurrat.
 Ex scorzonerae, chinae radiceque sarsae
 Et cornu cerui raso decoctio fiat,
 Hordea coniungi possunt illis vel auenae,
 Atque dari potum. Purgantur labe referti
 Humores isto decocto, sicque recursus,
 Et varii morbi prohibentur *febre* creandi.

§. XXXXVIII.

Propter vim vitae languentem viribus aegri
 Exhaustis, aut ob frigus si *purpura* retro
 Cessit, *cam* medicus prudens renocare laboret
 Auxiliis supra productis, oreque sumtis.

Externis mediis reuocetur *purpura* retro
 Lapſa, fricando cutim pannis, illamque ſi napi
 Rubram reddendo, veſicas cantharidum vi
 In cute producendo, ſero lymphaque repletas.

§. L.

Deiectus tonus vt ſuperata *febre* viciffim
 Reſtituatur, opus medici ſit, cura, laborque.
 Dentur, quae vires augent medicamina, dentur
 Nutrimenta, quibus noua vis in corpore ſurgat:
 Pharmaca conueniunt, quae confortando iuuabunt.
 Hinc prodeſſe volunt ceraſum nigrum, rubus idae,
 Cinnama, fraga placent, ſeu dent ſtillando liquores
 Attamen absque mero, ſeu dent cum melle ſirupos.
 Dulcia vina iuuant guſtu, carnesque ferarum,
 Et profunt carnes iuniorum, et iuſcula facta
 Ex his, exhaustum morbo nutrire valebunt
 Corpus, ſic tonus et vigor, et vis arte redibunt.

§. LI.

Ventriculus pariter ſolari debet amaris
 Extractis, liquido cum conueniente ſolutis.
 Nam ſi ventriculus valet omnes corporis artus
 Se bene habere ſolent, quoniam nutritio perſtat.

§. LII.

Principio tenuem et morbo praefente diaetam,
 Non adeo calidum regimen ſeruare ſalubre eſt.

Namque calor nimius lecti potusque nocere
 Conclavisque solet, quia reddit debile corpus,
 Ac eneruatum nimius calor, atque resoluit
 Vim vitae sic, vt *miliaris purpura* retro
 Labatur, mortisque ferat discrimen. In omni
 Re ratio valeat, sit temperiesque modusque.

§. LIII.

Quae sunt seruandae cautelae, dicere restat,
 Dum vexat *febris miliaris*, *purpura* dicta.

§. LIIII.

Absurdum est, *hoc in morbo pertundere venam*,
 Effluat vt sanguis. Verum cruor in caput eius
 Perueniat, rubens qui succos mittere tentat,
Purpura dum floret. Nam tales opprimit aegros
 Qui iubet incidi venam, quia *purpura* retro
 Labitur, atque necat retrocedendo. Iuuabit,
 Ast in principio *morbi*, si stigmata nondum,
 Si papulae nondum eruperunt, sectio venae.
 Si plethora iubet mittatur sanguinis humor,
 Et si subprimitur lochialis fluxio, missum
 E vena incisa laticem prodesse, sciendum est.
 Tutius est, nunquam venam pertundere, *febris*
 Si *miliaris* adest, si tangit *purpura* corpus.

§. LV.

Artubus admissum frigus, nocet, idque repellit
Labem purpuream miliarem, frigida sumta

Interne faciunt, vt retro *purpura* cedat.
 Ne des in dosi magna nitrosa, cauendum est.
 Et potus gelidos aegris concedere velle,
 Absurdum est, illis retinetur noxius humor
 Sic, vt non possint cutis exteriora rubere
 Stigmatibus rubris, sed si rubra *purpura* floret
 In cute, tunc, fieri scit retrocessio, mortem
 Inducens aegris. Moderatus sit calor ergo
 Lecti, conclauis potusque. Pathemata mentis
 Sunt fugienda. Metu, nec non terrore relabi
 Labem *purpuream miliarem* posse, sciendum est.
 Sit patiens animus tranquillus, sitque quietus.
 Nam sic deuinces *morbum*, sic rite valebis.
 Internasque stude calidas vitare medelas,
 Sanguinis orgasmus sit eisdem, fortior, atque
Purpura deterior cum vitae labe creatur.
 E cute si vero fugit atque relabitur ista
Purpura, tunc praestat calidi medicaminis vsus,
 Eius ope vt versus cutis exteriora feratur
 Noxia materies *miliaris*, sicque leuetur
 Pectoris anxietas, quam retrocessio fecit.

§. LVI.

Alius non stimulanda, licet praestructa sit, ipso
 In morbo. Verum si clausa diutius aequo
 Alius fortassis fuerit, ducenda benignis,
 Est laxatiuis, et in hanc est lotio danda
 Quae placide mollit. Saponem, sacchara, nitrum
 Qui modo habent, globulis, cum fructu conuenit vti:

Ast ea, sum suaſor, ne ſiant cuncta priuſquam
 Poſt exſiccataſ papulas, planeque cadentes:
 Contra qui ſtimulis mouet aluum ſtigmata rubra
 In cute dum florent, vt retroceſſio fiat,
 Efficit hac methodo quauis ratione carente,
 Et tunc de corio maculato luditur aegri
 Ecce! ſtat in manibus medicorum vitaque morſque.

§. LVII.

Si poſt ſanatum *morbum* largiſſimus adſit
 Sudor debilitans corpus ſit cura laborque
 Vt compeſcatur, ne *febris* lenta ſequatur.
 Cum ſucco citri ſaturatas porrige conchas,
 Uſtaque cum duris hyacinthis cornua cerui,
 His nitrum nec non coniunge corallia rubra.

§. LVIII.

Erectus nunquam *miliari labe* laborans
 Purpurea ſedeat, ne mens ſtupeſcat in aegro,
 Atque ob deliquium ne retroceſſio fiat.
 Nam ſitus erectus ſolet omnia laedere acuta
 Morborum genera: At reſupinus conuenit aegris.

§. LVIII.

Intumet abdomen, cutis intumet, aduenit hydrops,
 Poſt *febrem*, imprimis ſi tranſpiratio propter
 Admiſſum frigus, propterque pathemata mentis,

Aut alias causas prohibetur. Conuenit ergo
Subpressam reuocare cito, seruareque praestat
Praesentem, ne forte malum graue surgere possit.
Radicem rubiae cum citri cortice, nec non
Cinnama cum grato coriandi semine, praebe,
Illis serpillum, nec non coniunge melissam
Incisis nec non contusis omnibus istis
Infusum fiat, calideque bibatur ab aegro,
Roborat hoc corpus tubulos conseruat apertos
Sic, ut procedat bene transpiratio, pellit
Vrinam, purgat vitiatam sanguinis atque
Humorum massam, recidiuam praecauet illud.

§. LX.

Haec de *purpurea miliari febre* maligna
Sufficiant dixisse

Deo sit gloria lausque.

Ad

Virum admodum reuerendum
Dominum,

DOMINVM

FRANCISCVM

FERDINANDVM

VITTIBER

Saganensem,

Canonicum regularem Ordinis S. Augustini
congregationis lateranensis et Capellanum
ad D. V. Sagani.

De

Vulnerum

HEPATIS

lethalitate

Carmen.

Altius in iecoris viscus descendere mucro

Suetus, discrimen mortis habere solet.

Tacta tamen leuiter iecoris pars summa vel ima

Quauis mortifera labe carere potest.

Omnes

Omnnes *aequa* manet mors, omnes mors manet
una:

Mille tamen species sunt, quibus *illa* venit.

A. R. S. c13 I3 CC LIII

Collegio medico et Sanitatis, quod Rex Borussorum optimus Megaglogouiae constituit, pro capessendo Phyzicatu speciminis loco, exhibitum,

De
Vulnerum
H E P A T I S
lethalitate
Carmen.

Hippocrates aph. XVIII sect. VI.

Hepate pertuso mors fit certissima semper.

§. I.

Ille ego, qui *iecoris* tractabo *vulnera*, mortem
Quae suescunt afferre, volo praemittere pauca
De *iecoris* vera natura, conditione,
Structuraque, situ, stationeque, munere, nexu,
Et de consensu, quem viscus suescit habere
His cum visceribus, cauitas abdominis in se
Quae gerit, et quaevis aduersus fata tuetur,
Illis praemissis, manifestum fiet, acutis
Vulnera cū *iecori* gladiis inflicta, vel aere,
Quod vomit ignispuum tormentum fulminis instat,
Horribilis mortis soleant inducere fatum.
Hinc curae mihi sis *diuina scientia* primum,
Quae tradis methodum scindendi funera ferro.
Huc ades, atque faue *diuina scientia* Vati!
Nam Tu sola potes medici subcurrere coeptis.

§. II.

§. II.

*Ast, imi ventris viscus graue pondere, magnum
Structura, iecur est, iacet hoc sub fornice dextro
Septi transfuersi, quod amat diaphragma vocare
Graecus, sic tamen, ut tangi queat illa sinistro
Cartilago lobo, quae Xyphöidea vocatur.*

§. III.

*Esse superficies consuescit gibba suprema
Nec non aequalis, facies, caua cernitur ima
Quid quod? inaequalis iecoris. Sed glandula multa
Est in parte caua, fellisque, tenetur ab illa,
Folliculus, qui bile tumet, spissaque superbit
Quid quod? amaritie gaudet, quam lingua sapore
Deregit insigni pollens. Hic, balsamus esse
Nec non detergens sapo consuescit, amaror.*

§. IIII.

*Pars iecoris conuexa lobis diuisa duobus,
Et caua pars pariter lobulo discreta minore
Cernitur, huic nomen fecit Spigelius olim,
Cui prope sunt gemini lobuli, qui nomine portae
Gaudent, antiquosque pylas dixisse, sciendum.
His tamen est nomen, quia portae vena subintrat
Hepar bilificum, quod sanguificasse putatum est
Antiquis medicis. Has portas maximus inter
Venarum fluuius simili cognomine portae
Dictus adit iecur, et toto demergitur illo,
Dispergensque sinus per visceris intima serpit.*

§. V.

§. V.

Diuiditur *iecur* in dextram, partemque sinistram:
Verum, crassitie superat pars dextra sinistram.

§. VI.

Consensum memorare iuuat, nexumque referre
Me non poeniteat *iecoris*, quos nutrit alitque
Hoc cum visceribus, quae venter continet imus.
Hepar coniugii foedus consuefcit inire
Vi suspendentis dextrae ligulaeque sinistrae
Cum transfuersali septo, diaphragmate, dicto.
Perque ligamentum, quod nomen habere rotundi
Afferet, interius *iecur* hoc cum fune cohaeret,
Qui quondam foetus, aduecto sanguine, vitam
Seruabat, funem vero tenet omphalos illum.
Ast ope membranae propriae connectitur *hepar*,
Posterius septo, quod transfuersale vocatur.
Per sua vasa *iecur* fcit consentire vicissim
Cum vena portae, cum vena, quae caua dicta est.
Membrana propria veltitum cernitur *hepar*,
Quae peritonaei vult continuatio dici.
Capsula, cui dederat gliffonia nomina Gliffon
Est peritonaei soboles et mira propago:
Multus in hac numerus ramorum surgere fuescit,
A vena, solitus natates fumere portae.
Huic sunt biliferi ductus, arteria in illa
Obuenit, a medicis nostris *iecoraria* dicta:
Ista prope ac intra *iecur* omnia, capsula condit.

§. VII.

§. VII.

Verum, vasorum numerosa mole beari
Hepaticum viscus longe voluisse sagacem
 Naturam, constat dissecto funere: Dici
 Qua de re merito *iecoris* structura meretur
 Maxima congeries vasis glomorata tenellis
 Sic, sit vt illa globo glomerique simillima, multis
 Composito ex filis netricis ab arte locatis.

§. VIII.

Quae nutrire solet *iecur*, est arteria multa,
 Est a coeliacis, diaphragmaticisque resurgens,
 Atque mesenterica supera. Est arteria multa,
 Quam *iecori* magno transmittere cystica suescit.
 Venas a Portae vena *iecur* accipit, illa
 Parte caua *iecoris* demergitur aptaque nata est
 Vt simul esse queat vena ac arteria, nec non
 Exercere vices illius et insimul huius;
 Haec quoque subpeditat *iecori* donatque cruorem,
 Ex quo secerni possit bilis, liquor iste
 Balsamicus vires imitans saponis. In hepar
 Innumeras venas deponere scit caua vena.
 A diaphragmatica venas trahit hepar. At illa
 Fungitur officio, rubrum sorbere cruorem
 Istum, qui superest, et eundem reddere cordi.

§. VIII.

Ne desint *iecori*, voluit sapientia, nervi.
 Intercoastalis nervi *iecorarius* ille

Plexus, neruorum largitur flamina multa.
 Vasaque, quae bilem ducunt habet *hepar*, et illa,
 Glandula multa tenet. Non ignorare iuuabit;
 Haec bilis succum ducentia vasa canales
 Esse, quibus pariter non desunt nomina certa,
 Primus communis, ductusque choledochus audit,
 Oblique sese duodeno iungere fuerus.
 Cysticus est ductus, qui gaudet sede secunda,
 Hic ex folliculo fellis venit, atque canalem
 Ingreditur dictum communem, denique ductum
 Angulus insinuat, iungit, committit acutus
 Hepatico, praemunit eum quoque glandula multa
 Diuersi generis circa collum sita fellis
 Folliculi. Varios serpentum more recuruos
 Flexus ductus habet cognomine cysticus, atque
 Tertius hepatici ductus sub nomine notus
 Esse solet, recto qui tendit ab *hepate* cursu
 Versus communem. Disseminat ille frequentes
 Ramos per *iecoris viscus* sub voce pororum,
 Ducere fuetorum tenuissima flumina bilis.

§. X.

Et natura dedit *iecori* lymphatica vasa
 Plurima, quae lympham capiunt, qua cystica bilis
 Lentore hepaticam superans tenuatur, amaro:
 Haec se cystrinae lumbaris vortice mergunt.
 Maximus et venae portae sinus, atque canalis
 Venosus, quos foetus habet, non iure tacendi
 Sunt villo. Verum, sinus hic crescentibus annis
 Et quoque venosus deletur vterque canalis
 Sic, adolescenti, vt vestigia nulla supersint.

§. XI.

Ast, a parte caua *iecoris* vesicula fellis
 Fota, simul quum sit variis ob noxia plagis,
 Non erit absurdum, verum magis vtile, nosse
 Cystidis historiam, quam commemorare profanum
 Non erit. Haec ouo gallinae vix solet esse
 Maior, et haec ope membranae communis habere
 Consensum solet, et per sic communia dicta
 Vasa fouet *iecoris* cum viscere foedus amicum:
 Hinc ea vasa solent hic cystica vasa vocari.
 Sunt ita folliculi collum, fundusque canalis
 Cysticus et frenum, structuraque cystidis ipsa
 Commemoranda mihi, me praeteriisse quid, vlli
 Ne, quid et intactum studio liquisse, viderer.
 Refert scire: Velut collum sphinctere coërci
 Et sursum versus spectare, superque iacere
 Colo, quod bilis tinctura pingere suescit:
 Sic eius fundum quoque dependere deorsum
 His, quibus eximiae naturae maximus auctor
 Et Deus os sublime dedit, coelumque tueri
 Iussit, et erectos ad sidera tollere vultus.
 Cysticus expositus tubus est in commate nono,
 Hunc ductum frenum suescit coniungere fellis
 Folliculo. Sed de fabrica iam dicere fas est
 Cystidis. Ex quatuor membranis textitur illa,
 Quarum communis, membranula prima vocatur.
 Ex cellis vasisque venit conflata secunda:
 Quare membranae dant cellae vasaque nomen.
 Ordine subsequitur membranula tertia, fibris

Textitur ex rectis, obliquis textitur illa
 Ex fibris variis, ceu fortis musculus, a quo
 Accepit nomen. Membranaque, neruea, quarta,
 Dicitur a medicis, hæc monstrat retia, rugas
 Interius, minima numerosa glande beatur.
 Istam membranam mucosum lubricat unguen,
 Illi ne bilis creet acrimonia noxam.
 Verum, structura simili gaudere solere
 Biliferos ductus, inspecto viscere, constat.

§. XII.

Est tempestivum: de visceris *hepatis* usu
 Dicere pauca. Placet, iam fellis cystidis usum
 Enarrare breui sermone, iuuatque, referre
 Quaedam de bilis simul utilitate gemellae,
 Quam praestare solet, dum transit ad ilia bilis.
 Non ignorandum est: ex sanguine, qui datur ipsi
 A vena portae *iecori*, componere bilem
 Indole balsamica, saponis et indole foetam,
 Nam vis balsamica est et saponacea bili,
 Et duplicis generis bilem secernere, munus
Hepatis esse. Vices commissas esse, sciendum,
 Fellis folliculo, secretam ducere bilem,
 Hanc seruare mora longa, propellere tandem
 Et per biliferos duodeno infundere ductus
 Bilem balsamicam, saponis viribus aequam.
 Bili balsamicae, vires saponis habenti
 Incumbit, partes aqueis coniungere pingues,
 Ex hoc coniugio lac ut nascatur et humor

Commodus enutrire sua dulcedine corpus :
 At liquor iste venit medicis sub nomine chyli.
 Fungitur officio, chyli tenuare liquorem,
 Intestinorum lentos incidere mucos,
 Nec non illorum mucos abstergere foedos,
 Quid, quod? amaritiae lumbricos ventre fugare,
 Ac intestinis, stimulos acredine factos
 Addere, quisquiliae cedant ut ventre ciborum,
 Nec non praedominans acidum perturbare chyli.
 Scire licet: duplicem bilem dare, scilicet unam
 Hepaticam medici dixere, sapore benigno
 Quae valet, atque minus consuescit spessior esse.
 Altera vult contra appellari cystica bilis:
 Haec est spissa magis, magis est saturata colore,
 Quid, quod? amaritiae didicit superare priorem.

§. XIII.

Hepatis ac fellis sic dictae cystidis aequae
Ufibus, historiisque elatis, ad vulnera iamiam
Transeo, quae diuus Celsus lethalia dixit,
Mors fit, ait, quando laeduntur vulnere quodam
Ventriculus, nec non cerebrum, diaphragmaque, corque
*Ac intestinum tenue, ac vesica, iecurque. *)*
Mortiferum iecoris vulnus plerumque creatur
*Vasis innumeris iecoris dum viscus abundat. **)*
Hepar enim grauitur laesum reparare quis audeat?
Ast, modo de iecoris lethali vulnere dicam.
Vulneris ante tamen generalis notio danda est,
Eius quo melius cuius natura patefcat.

§. XIII.

*) Aph. 18. sect. VI.

**) §. VII.

§. XIII.

Est vulnus partis mollis diuifio, fluxu
Sanguineo fipata, recens, violentaque, facta
A cauffis duris, motis, preffis et acutis.
Vulnera funt igitur, vel fanabilia, vel funt
Vulnera, quae mortem fuefcunt inducere cafu,
Sunt quoque natura lethalia vulnera quaedam.
Cheirurgis vulnus fanabile dicitur illud,
Quod manus auxilians fanat, medicinaque curat.
Sed cafu factum vulnus lethale vocatur
Id; quod fanari potuiffet, et arte manuque
Ni, fymptomatibus grauioribus, inque diaeta
Commiffio vitio, nec non errore medentis,
Vel quoque temperie morbola vulnere tacti,
Aegrotique, anceps curatio facta fuiffet.
Mortiferum tamen ex natura vulnus habendum eft,
Multum, fi praecifa pluunt, funduntque cruoris
Vafa, grauis, vires frangans, vt noxa fequatur,
Si neque cheirurgus, neque pharmaca fiftere fuenta
Sanguinis effluxus, ad laefum tendere viscus
Internum, arte, manu, ferro, virtuteque poffunt.

§. XV.

His ita praemiffis, compulfus ab ordine rerum
Ad vulnus *iecoris* pungendo laedere fuetum
Tranfeo. Percuffum vero *iecur* effe, fcendum,
Si colliis fpuris in dextra parte locatis
Inflicto gladiis ex vulnere fertur cundo
Multus et obfcurus cruor, exhaurire fluore
Suetus percuffi vires, fi pulmo molefte

Spirat, et insugit vitales aëris escas,
 Si premit anxietas, dolor et vehementior angit
 Adscendens iugulum, scapulas et pectora summa,
 Si sanguis vomitu, si sanguis redditur ano,
 Si bilis vomitur, si bilis flava cacatur,
 Si fluit ex ipso mera bilis vulneris ore,
 Saepeque si vires animae linquuntur, in aegris
 Si febris surgit suescens inducere mortem.

§. XVI.

His, qui percusso moriuntur ab *hepate* mors fit
 Illis ex causis, quia fluxus sanguinis imi
 In ventris stillans cavitatem flumine pleno,
 Nullis auxiliis compefcitur, arteque nulla
 Et nulla manuum prohibetur fluxio, cura.
 Ex hoc dum vires franguntur flumine, vitae
 Viribus exhaustis, e corpore spiritus exit.
 Ergo rapit vitam penuria sanguinis ipsa.
 His intelligitur manifestius: *hepatis* esse
 Vulnus mortiferum, praeprimis illud, in *hepar*
 Si laedens ferrum mucrone profundius iuit.

§. XVII.

Verum, nunc patitur *iecoris* substantia vulnus,
 Et nunc accipiunt *illius*, vulnere, vasa.
 Quare diuisit veterum sententia vulnus,
 In vulnus, quod habet *iecoris* substantia, nec non
 In vulnus, quod habent *illius* vasa. Vocauit
 Casu mortiferum, quod habet substantia vulnus:
 At quod vasa tenet *iecoris*, pronuntiat, esse
 Vulnus mortiferum naturae lege. Sed illa

Futilis esse solet veterum diuifio, fallax
 Horum iudicium, nec non fententia falſa.
 Nam quoniam vaſis numerofis *hepar* abundat *)
 Nunquam percutitur *iecoris* ſubſtantia ſola,
 Vsque ſimul *illius* vaſa laborant
 Sanguis fluit, laedens inprimis altius intra
 Viſcus ſi mucro penetrauit. Abinde pateſcit:
 Quod ſit lethalis *iecoris* ſubſtantia ſemper
 Vulnere laeſa, ſequi quia ſueſcit magna cruoris
 Fluxio, qua, fuſo cum ſanguine vita fugatur.

*) §. VII et XIII.

§. XVIII.

Aſt, inter *iecoris* vulnus leue, quodque profunde
 Non penetrare poteſt in *viſceris* intima, ſed quod
 Lene, ſuperficiem modo tangere ſueſcit, et inter
 Vulnus deſcendens intra *iecur* altius aequo,
 Eſt diſtinguendum. Diſtinctio commoda perquam
 Haec eſt vulneribus, quae ferris accipit *hepar*.
Hepar enim leuiter percuſſum maxima vaſa
 ſciſſa referre nequit: Sed ſi lethale ſit *hepar*,
 Lethalis fieri ſueſcit modo laeſio caſu,
 Arte tamen *iecoris* leuiora haec vulnera poſſunt
 Sanari, nec non valet excuſatio. Contra
 Laeſio, quae tangit, penetraque profundius ipſum
 In *iecoris* viſcus per ſe lethalis habenda eſt.
 His ita percipitur: *iecoris* vulnus leue caſu
 Mortiferum fieri: per ſe lethale putandum
 Vulneris eſſe genus, quod *viſceris* intima laedit.

§. XVIII.

Ast, vbi percussum medium *iecur* est, vbi laesi
 Rami maiores vasorum sunt, vbi bilis
 Ductus praecisi sunt, et vesicula felle
 Vulnere correpta est, vulnus lethale vocatur.
 Hinc penetrauerunt quia talia vulnera iusto
 Altius in *iecoris*, *viscus*, quia habere recusant
 Auxilii genus, haec lethalibus esse, medentes
 Annumeranda putant. Valet excusatio nulla,
 Vulneris effectus si magno sanguinis imum
 In ventrem cumulo profuso, funere secto,
 Noscitur. Ex ipsa natura vulneris huius
 Nil fluit, auxilio quod posset et arte parari,
 Villa valetudo bona restituatur vt aegris.

§. XX.

Summa quibus *iecoris* pars aut extrema prehensa
 Vulnere, sed leuiore tamen percussa laborat,
 Illis adfulget spes exoptata salutis:
 Vulneris et genus hocce superficiale vocatur.
 Et quia non multum confluit ventre sub imo
 Sanguinis effusi, iuuat excusatio multum. *)

*) §. XVIII.

§. XXI.

Hepate percussio, profusio sanguinis aegrum
 Momento ingulat, vel si sit vita superstes
 Spiritus insigni molimine, cumque dolore
 Ducitur, ipse dolor suescit pectorius esse,
 In lateris dextri dextra regione vigere,

Ad summum sursumque solet conscendere pectus. *)
 At, si magna super venit inflammatio, scire
 Refert: ictericos fieri tunc corporis artus.
 At, vbi laesa simul vesicula fellis habetur,
 Atque viae si sunt praecisae, felleus humor
 Per quas euacuat se, effertur vulnere bilis.

*) §. XV.

§. XXII.

Per costas spurias penetratum vulnus ad *hepar*
 Quod gibbam *iecoris* partem percussit, in illam
 Non aliter potuit descendere, quam male laesa
 Septi transversa carnosa parte. Sed id si
 Accidit, exoritur duplicatum vulnus, et illa
 Quamvis sanari potuisset plaga, sub ipsa
 Septi transversa carnosa parte fietisset
 Si ferrum laedens: tamen illud, quo *iecur* ictum est,
 Vulnus, seipsum fieri mortis certissima causa.

§. XXIII.

Haud tamen esse solet vulnus discriminis expers
 Xyphoidea quod sub cartilagine sterni est,
 Defixum, pupugitque lobum mucrone sinistram
Hepatis. At licet in limbo sint visceris huius
 Vascula texturae longe subtilis, habere
 Ne tamen vlla locum suescit curatio propter
 Imbellem *iecoris* naturam, quae solet omni
 Robore destitui fibrarum, musculus omnis
 Quo valeat summae naturae lege, necesse est.
 Debilitas *iecoris* prohibet laxissima, quod non

Inter se possint vniri vulneris orae:

Hae si non coëunt, profusio sanguinis inde

Proueniet, valida non compescenda medela.

§. XXIIII.

Maior noxa subest, si portarum sinus, atque
Rami sanguiferi, largitur quos caua vena,
Hepaticique tubi, quales arteria gignit
Praedita consimili cognomine, vulnere quodam
Scinduntur. Verum, quum non ea vulnera propter
Imbellem *iecoris* naturam rite coire
Inter se possint, hinc fluxu sanguinis orto,
Vires momento tenuantur sic, vt abinde
Redditus exsanguis moriatur, vulnere laesus.
Nam *iecur* est viscus, vasorum copia maior
Cui solet esse. *) Probat portarum maxima vena
Illud. Vasorum confluxus iure meretur
Haec appellari, consuescens sumere vasa
Ex intestinis, stomacho, paruoque liene.

*) §. VII. XVII. §. XIII.

§. XXV.

Est quoque mortiferum vulnus, quod fellea cystis
Accepit. Sed non ob flumen sanguinis ortum
Lethalis fieri suescit vesicula fellis.
Nam, vero te scire decet: non inde cruoris
Posse sequi fluxum lethalem a vulnere, fellis
Folliculo illato, quia sunt exilia vasa,
Sint numerosa licet, queis cystis fellea gaudet
Turgida bile, venit vasis a cystide nomen

Istis, a medicis hinc cystica vasa vocantur:
Mors tamen ex causis certissima nascitur illis
Fellis folliculo laeso, quia vulnere facto
Effluit ex ipsa, bilis mera, cystide fellis.

§. XXVI.

Bilis in abdomen dum fit stillatio, mortem
Inuitat lentam, quia bilis flumine nullo
Amplius ingreditur duodenum, ut abinde resurgant
Nausea ventriculi, et deiectionis roboris eius,
Omne cibi desiderium, potusque voluptas
Cessent, turbetur chyli confectio longe
Vtilis, ut pereat nutritio corporis, atque
Intestinorum vis et peristaltica virtus
Desinat, et veniat mors paulatina, necesse.
Namque sequi lentam mortem consuescere, certum est,
Quando cauum ventris numerosa bile grauatur,
Nempe diu stans in ventris cauitate morando
Bilis, edax vitium sibi contrahit, inque liquamen
Mutatur putre, quo vitatur sanguinis humor,
Redditur acre serum, concrefcit limpida lympa,
Corpus tabescit, mentis vigor aufugit omnis,
Hinc eneruatos tabo mors congelat artus.
Fellis folliculum pertundi a vulnere posse
Partibus intactis reliquis, quas possidet *hepar*,
Omnes, folliculi fellis situs edocet ipse:
Namque supra *iecoris* limbum vesicula fellis
Prominet, hanc lateris, fatus ex abdomine dextri
Musculus omnigenus vario cognomine, rectus,
Obliquus, transversalis substernere suescunt.

§. XXVII.

§. XXVII.

Ast, non ex folis his caussis *hepatis* exstat
 Vulus mortiferum, quod ab illo vulnere valde
 Ductus biligeri *iecoris* venosaeque vasa
 Laeduntur: Sed et ex illa ratione, quod illo,
 Hepatici tubuli pulsantes, quos dare suescit
 Coeliaci vasis pulsantis in ordine ramus
 Tertius, et nervi, quales cognomine plexus
 Exhibet hepaticus scinduntur, vulnere facto.
 Vt, nam scire licet, ne partem corporis ullam
 Solam pertundi: Sic nunquam laeditur *hepar*
 Solum. Semper enim tali patiuntur ab ictu
 Damna simul pulsu salientia vasa, canales
 Venarum, nervi molles, lymphatica vasa.

§. XXVIII.

Vt *iecoris* vulnus variatur: sic quoque mortis
 Discrimen suescit variari. Vel cita mors fit,
 Vel fit lenta, tamen fit inevitabilis usque
Hepate percusso, pertusis ductibus *eius*.
 Enecat angustum vulnus, mortemque profundum
 Vulnus ferre solet, lente stillando cruorem.
 Nam quia non inter se possunt vulneris orae
 Committi, sequitur stillatio sanguinis, aegrum
 Quae lenta semper suescit consumere morte.

§. XXVIII.

Hepate disrupto per se, subitanea mors est:
 Auctores perhibent: rupturas *hepatis* esse
 Non plane absurdas. Contingere posse, negare

Nemo potest *iecoris rupturas*, quae dare mortem
 Consuecunt, *iecur* abscessu si forte laborat
 Pure graui: Nam si pus ferri nititur extra
 Abscessu rupto, progigni vulnus oportet
Hepatis internum, non apparentibus vllis
 Exterius signis manifestis, non quoque visis
 Vllis indicibus, per quos vexata patefcunt,
 Quae cutis exterior prae se fert laesa vel ictu,
 Vel caussis aliis in eam violenter adactis.

§. XXX.

Est etiam *iecoris* per se sanabile vulnus,*)
 Sed quod mortiferum casu, studioque medentis
 Est factum, quoniam neglectum quid fuit eius
 In cura. Vulnus studio lethale creatur,
 Ac aegri culpa, neglecta lege diaetae.

*) §. XVIII. XX.

§. XXXI.

Si gladio punctum non est *iecur*, attamen ictu
 Sic laesum, latus ad dextrum violenter adacto,
 Vt vasis insit stagnans cruor, atque coactus,
 Corpore dissecto, vexatum cernitur *hepar*.

§. XXXII.

Hepar vexatum si, secto ventre, nigro rem
 Exhibet, et sphaceli si fert lethalia signa:
 His, non seruari vitam potuisse, sciendum.
 Nam propter venas exiles *hepatis*, anceps
 Esse malum solet, et curatio plena pericli,
 Illis ex caussis, cruor, extra vasa, coactus,

Dum

Dum stans in *iecoris* vexati viscere nullis
 Auxiliis medicis, nullaque resoluitur arte.
 Ut vexatorum est *iecur* impatientius omni
 Viscere: Sic nihil ars, nihil et medicamine virtus,
 Sanguinis ad grumos, quos in se continet *hepar*
 Plaga vexatum, vult discutiendo valere.

§. XXXIII.

His positis patefit: quod longe pessima res sit,
 Si cruor in vasis exilibus *hepatis* ire
 Circuitu renuit sic, inflammatio viscus
Hepatis ut teneat, laedat, corrumpat et angat.
 Hic non discutitur, facili molimine morbus
 Ob teneras venas, et ob imbecillia vasa,
 Quae requiescentem nequeunt expellere succum
 E vasis. Stasis hinc inflammatoria talis
 Semper habere solet miserae discrimina mortis.

§. XXXIII.

Nauiget Antyceram, qui sesquipedalia verba
 Proiicit, ampullasque vomit, nec dicere pallet:
 Vulnera, felici, *iecoris* curata fuisse
 Euentu maiora. Quis autem ferre valebit
 Iudicium rectum *iecoris* de vulnere? Quis de
 Vulneris effectu poterit quid dicere veri?
 Certe nemo, nisi qui, cultro funus apertum
 Inspicit. Ars solummodo democritaean docebit
 Vulneris effectum, neque coniectura valebit
 Qualiscunque patet: quod in his, ex vulnere quodam
 Quos ex successu curatos arte putarunt,
 Ad *iecur* haud vulnus descenderit vsque, sed ictus

Dummodo subfisterit tali in pinguedine, quali
Musculus impletur transfuersus nomine dictus,
Poffe tamen *iecoris* leuioribus arte mederi
Vulneribus, *) nullus nifi captus mente negabit.
Vafa superficies habet exiliffima. Quare
Sint ea fciffa licet, quae per *iecur* vndique ferpunt,
Subtilem lymphae laticem capientia vafa:
Attamen anguftum fi vulnus, et eft leue vulnus,
Non adeo laedi potuerunt plurima vafa
Vulnere, quin finerent, effundi poffe cruorem,
Et dulcis lymphae latices, cum morte fequente.
Verum, fcire iuuat: lymphatica maxima vafa
Magnis vulneribus lacerata necare folere.
Hinc ea simpliciter funt annumeranda vigore
Iuris vulneribus lethalibus, haec quoque nullo
Excufanda modo funt, iuxta fcripta medentum.

*) §. XVIII. XX. XXX.

§. XXXV. —

Aft, vbi communis, ductusque choledochus effe
Vulnere praecifus folet, eft lethale vocandum
Vulnus simpliciter. Prohibetur bilis ab illo
Vulnere, ne fluat in duodenum, fi caret illud
Bile, nequit fieri chylus, fi lacteus humor
Deficit, ipfa aberit nutritio, corpus vt inde
Incidat in lentam tabem, mortemque, necesse eft.

§. XXXVI.

Hepate pertuso non mors enafcitur vsque. *)
Discrimen magnum datur inter vulnus, in *hepar*

Quod

*) §. XVIII. XX. XXX. XXXIII.

Quod penetrare solet, iustoque profundius intrat
 Ac inter vulnus leue, quod solummodo tangit
 Ense superficiem *iecoris* **) sed non solet illud
 Posterius vulnus iugulando perdere. ***) Nam dum
 Vulnere non laedi potuerunt maxima vasa ****)
 Namque superficiem *iecoris* comitantia vasa
 Sunt minimi generis, sunt exilissima longe; †)
 Nulla sequi potuit profusio larga cruoris. ††)
 Accidit id: quando *iecoris* pars summa vel ima
 Percutitur leuiter. †††) Valet excusatio multum ††††)
 His in vulneribus, valet et curatio multum. a)

) §. XVIII. *) l. c. et §. XX. ****) §. XVIII. †) §. XXXIII.
 ††) §. c. et XX. †††) §. cit. ††††) §. XVIII. a) §. cit. et XX.

§. XXXVII.

Ex illis positis manifestius arte peritis
 Omnibus apparet: quod *Coi* non sit vbique
 Effatum verum: quod percussum *iecur* esse
 Semper mortiferum consuescat. Opinio *Coi*
 A vero multum discedit. Si tamen ille
 Dixisset: Vulnus descendens altius aequo *)
 In *iecur*, esse malum lethaleque: lenaque contra
 Vulnus, vel partem contingens *hepatis* imam
 Vel summam leuiter, nunquam lethale putari **)
 Posse, nisi cui mors casu contingere fuit:
 Sic *diui medici* sententia lata, valeret.

*) §. XVI.

**) §. XX.

§. XXXVIII.

Haec ita de *iecoris* lethali vulnere.

DIXI.

De
HAEMORRHAGIA
pulmonis

feu
de
Sputo cruento

Carmen

ad

Virum admodum reuerendum
Dominum

DOMINVM

CAROL. IOSEPHVM
MOSLER

Canonicum regularem Ordinis S. Augustini
congregationis lateranensis ad D. V.

Sagani.

E

Si

Si mundi natura suis in legibus errat,
Et quoque mortali non levis error erit.

De
HAEMORRHAGIA
pulmonis
feu
de Spūto cruento
Carmen.

Praefamen.

Multis innumerisque poris hiat extus et intus
Humanum corpus naturae lege, creatum
Hoc sit vt huc, sit vt illud perspirabile, sicut
Vndique rimarum plenissima testa TerentI.

Non durare salus posset, nisi corpus hiaret
Multis innumerisque locis, quibus iret in auras
Omne superuacuum quod si remaneret, obesset
Corporibus viuis, suffocaretque salutem,
Sanguinis ob succos cumulatos, ocyus aequo.

Ast, donec natura, sagax et maxima, leges
Nititur obseruare suas, bene quisque valebit.
E contra vero, quod si deflectat et erret,
Et male dispenfet natura negotia, vita
Incipit in morbos labi, qui ferre ruinam
Illi consuefcunt, mortem inducendo timendam.

A recta, natura via deflectit, et errat,
Quando superuacuos e corpore ducere succos
Negligit, aut quando retinendos fundere tentat.

A recta, natura via deflectit et errat,
 Ad loca si mittit succos, admittere tales
 Quae renuunt, aut in quodam si viscere succos
 Euacuat, quod non naturae lege creatum est,
 Egerat ut tales. Dare casum nemo vetabit:
 Ex cursu calidos ut pulmo refrigeret, atque
 Carminet ut nimium crassos tenuando cruores
 Ex legum iusto voluit natura vigore;
 Non vero fecit pulmones, sanguinis humor
 Ut fluat ex illis, et ut eiiciatur ab illis:
 Verum si fieri consuevit, ut exeat humor
 E pulmone ruber cum tussi spumeus, ipsa
 A recta, natura via deflectit, aberrat.

Fluxus sanguinei genus id describere versu
 Mecum constitui. Monstrabo *haemoptoe* quid sit
 Et quibus ex causis veniat, quibus debeat illa
 Cognosci signis, quae sint subiecta tenere
 Quae suescit *sputum* veniens pulmone *cruentum*
 Qui bonus euentus sit *morbi*, quique sinister
 Dicatur referam. Quae sit curatio nec non
 Quale sit auxilium, cuius vi sistitur humor
 E pulmone fluens, qualemque tenere dietam
 Conueniat, tradam. Quanam ratione recursus
 Debeat auerti, praescindi, dicere iustum est.

Ignoscas quaeso, MOSLER, quod versibus illis
 Absit conueniens pondus, verusque character,
 Qui tamen esse meae deberent iure Camoenae.
 Ast tua quid refert mea, quod tractatio vineta
 Sit pede? Dum lectu modo sit tibi suavis et apta.

De
HAEMORRHAGIA
 pulmonis
 feu
 de Sputo cruento
 Carmen.

§. I.

Quando vi tussis cruor e pulmonibus exit
 Spumidus, a. graecis *haemoptoë* dicitur. *Illum*
Morbum, sanguineum sputum dixisse latinos
 Scire licet, quoniam sputo permixtus ab ore
 Exspuitur sanguis. Non vero profluit ille
 Vi vomitus, modo quem stomachus dare suescit apertis
 Ex breuibus vasis manantem. Nempe cruentus,
 Dicitur hic morbus, vomitus. Niger ille colore
 Et crassus cruor est, non vero spumeus, atque
 Purpureus, qualis fluit e pulmone reiectus.

§. II.

Seu fluit e pulmone cruor, quia copia maior
 Sanguinis huc lati distendit iussus aequo
 Vascula pulmonis sic, vt transsudet apertis
 Ex laxisque poris vasorum spumidus, atque
 Coccineus sanguis, ceu roscidus in cute sudor.
 Seu cruor e pulmone fluit, quia sanguis abundans
 Venas expansas a multo sanguine, rumpit,
 Sic, vt prosiliens ex ruptis purpura vasis
 Pulmonum viscus, ceu torrens, aggere rupto,
 Omnia diluuiò deuastans prata, perundet.

Seu fluit e pulmone cruor, quia sanguinis acris
 Humor perrodit tenuissima vascula sic, vt
 Vasis sanguiferis erosio, ruptio fiat
 In teneris tubulis pulmonis. Vt effluat inde
 Sanguis, et in molles pulmones irruat, hosque
 Sanguine profuso grauet immergendo, necesse est.

§ III.

Ast, suffocaret cruor in pulmonibus haerens
 Mortales, nec non suspenderet aëris vsum,
 Quo sine vita diu nescit persistere salua,
 Si natura sua, non tussim, sponte moueret,
 Cuius vi fusos educere, perque tracheam
 Nititur assiduo, euacuare, labore, cruores.

§. IIIL.

Refert scire: poris ab apertis *sputa cruenta*,
 Promanata, minus vitae discrimen habere,
Haecque sequi nullum pthysicos consuescere morbum:
 E contra, quod si vasorum ruptio, praesens
 Sit, pthysis accedit, nulla sananda medela,
 Quae pulmonis vtrumque lobum consumit et exest.
 Nam si pulmonis plane sunt vascula rupta,
 Aut propter nimios acres, erosa liquores,
 Post *haemoptysicos* morbum succedere suescunt
 Vlcus cum Vomica, tabes cum pure maligno,
 Et peripneumonicus morbus, pthysis improba, morsque.

§. V.

Nunc *haemoptysicos* causas producere fas est,
 Illam progenerat pler' ora grauando cruore
 Multo pulmones sic, vt vel vasa pororum

Transsudent succos vitales, vel cruor ipse
 Effluat ex ruptis vasis cum labe sequente,
 Quam viscus pulmonis alit, mortemque, liquescens
 Tunc mador, ac vngues curui, casusque capilli,
 Alui proluuies, vt et indignatio mentis,
 Ac oedema pedum, praedicent, esse futuram.

§. VI.

Hoc *haemopthyseos* genus audit proxima causa.
 Restat, vt enumerem causas quas esse remotas
 Contendunt medici. Clamor fortissimus, atque
 Pectoris ex imo depromptus cantus obesse
 Pulmoni suescunt gignendo *sputa cruenta*,
 Et *sputa haec* infert inflatio crebra tubarum,
 Vulnus pulmones laedens *haemoptoën* affert.
 Ictus, collisus, contusio, casus ab alto
 In pectus, proferre solent *haemoptysin* illam
Sanguineumque potest *sputum* generare cachinnus?

§. VII.

Non ignorandum est *haemoptoën* esse pericli
 Plenam, quam proferre valet violentia quaevis
 Pectori ab externis causis illata, vel ictus
 Vel lapsus, vel sit contusio, vel graue vulnus
 Laedens pulmonum viscus, penetransque profunde.
 Scilicet vsque pthysis venit ex his omnibus, artem
 Eludens omnem medicorum, omnemque medelam.

§. VIII.

Omne quod exercet pulmones, hosque fatigat,
 Atque quod orgasmum succis vitalibus infert,
 Et quidquid versus pulmones e cute succos

Vitales pellit sic, vt cruor adgrauet aequo
Iustius hoc viscus, ceu pondus mole molestum,
Est aptum, vt faciat *sputum* prodire *cruentum*.

§. VIII.

Ira, metus, cursus velox, Venus improba, Bacchus,
Spiritusque grauis potus, vinosa diaeta
Atque cibus salsus, nimis acris, aromaque feruens
Subpeditant ansam, vt cruor e pulmone spuatur.
Sanguineus fluxus subpressus *sputa cruenta*
Producit. Fluxus lochialis, menstruus, atque
Sanguinis e naso stillatio, quando morantur
Ac suspenduntur *sputum* prodire iubebunt
Sanguineum. Si non destillat sanguis ab ano
Hoc, haemorrhoides, genus appellare solemus
Sanguinei fluxus. Neglectaque missio quando
Sanguinis e vena fuit, atque cucurbita, suescens
Innumeris plagis inflictis lanceolae vi
E cute purpureos succos educere, sique
Nolumus, vt nimios exsugat hirudo cruores,
Tunc cruor e pulmone fluit, vi tussis abactus.

§. X.

Omne quod aequalem remoratur sanguinis orbem
Sic, vt pulmones versus ruat impetus vsque
Sanguinis, expandens vel rumpens vasa tenella,
Id valet omne quidem *sputum* generare *cruentum*.
Hepatis et splenis, meseraei obstructio, scirrhus,
Illud sanguineum possunt inducere *sputum*.
Sputaque femellis non sunt aliena, *cruenta*
Praecipue quando lunaris fluxio cessat:

Inuaditque viros *haemoptoë*, quando recusant
Destillare haemorrhoides ex podicis ore.

§. XI.

Verum *sanguineo* suescunt succumbere *sputo*
Qui cute subtili gaudent. Qui vasa tenella,
Qui faciem roseam, qui macros corporis artus
Prae se ferre solent, his e pulmonibus exit
Sanguis coccineus spumescens, et quibus esse
Planus et angustus thorax consuecit, ab ore
Sputa cruenta spuunt. Depressis qui solet uti
In dorso scapulis, *haemoptysis* hunc male vexat
Et breue queis collum sapiens natura negavit
Sed longum concessit, eos *haemoptoë* tangit.
Nec finit intactos truncatos crure, manumque.
Sputum sanguineum. Iuuenes quoque sanguine plenos.
Corripit, exercet cantores, parcere cleris
Nescit, qui suescunt cantando extollere vocem.
Musicus, inflando lituos, spuit ore cruorem.
Occupat *hocce malum* cursores, *hoc* tenet illos
Qui docili puero tradunt cum moribus artes.
Voceque clamantes elata Stentoris instar
E pulmone dabunt cum tussi *sputa cruenta*.
A patre sanguispuogenitos *haemoptoë* natos
Tangit, et in natos haeredum iure per illum
Scit *sputum* transferre sagax natura, *cruentum*.
Qui thorace solent arcte constringere corpus
Ut formae decus inferrent, hos *sputa* molestant.
Qui nutrire solent in vasis, queis cruor errat,
Acrem, coccineum, calidum, tenuemque cruorem,
Hos finxit natura spuunt, pulmone cruores.

Quos scorbutus habet, quos pessima syphilis angit,
 Horum pulmones *haemoptoë* destruit, acres
 Ob succos, quibus ille scatet, quibus illa laborat,
 Scilicet erodit pulmones tale miasma,
 Pulmonis vasis exesis effluit humor
 Coccineus spumans, naturae lege manendus
 In vasis, minime vero extra vasa ruendus.
 Plumbum tractantes *haemophthisis* angit, et illos,
 Qui cum mercurio versantur corripit, atque
 Propter rodentes fumos, nocuosque vapores
 Illa metallicolas vexat, chemicosque fatigat.

§. XII.

Scire tamen refert: *haemoptoën* esse futuram;
 Aegrotus falsum si sentit in ore saporem,
 Si fauces dulcedo tenet, prurigo tracheam
 Si tangit stimulis, et si dolor et levis aestus
 In thorace vigent, oppletio si premit, atque
 Angustat pectus, si praeit anhelitus, et si
 Pulsus percipitur plenus fortisque, *cruentum*
 Tunc exire solet *sputum*, tunc floridus exit
 Coccineus spumansque cruor plerumque reiectus
 E pulmone. Fluit cum tussi, profluit ille
 Cum strepitu quodam pulmonis sanguinis humor
 Mox putat e dextro, mox vero surgere, dicit
 Ex laevo latere aegrotus, sentitque cruorem
 Versus pulmones ascendere, tunc salit auctus
 Sanguinis orgasmo, pulsus, tunc ingruit aestus,
 Tunc titillatur spiralis fistula, tuncque
 Tussis adest, cuius vehementi vi, cruor exit.

§. XIII.

Non ignorandum est: Cerebris apoplexin id esse,
 Quod suescit *sputum* pulmonibus esse *cruentum*.
 Et quod ventriculo vomitus solet esse *cruentus*:
 Id pariter pulmoni *haemoptoën* esse, sciendum.
 Sanguinei mictus, id sunt in renibus, esse
 Quod *sputum* solet in tenero pulmone, *cruentum*.

§. XIII.

Si post *sanguineum sputum* levis atque salua
 Aequalis spuitur, res est bona, spēsque salutis:
 Ast si post *illud*, pus e pulmonibus exit,
 Ominis esse mali, Coo testante, sciendum,
 Transiisse *malum*, pulmonis in vlcera praua
 Atque pthy sin, te scire decet, vomicaeque creasse.
 Si post *sanguineum sputum*, grauitate laborant
 Pulmones, aut si remanet spiramen anhelum
 Increscens sensim sic, vt praecordia stringat,
 Si tussis perstat, multumque diuque fatigat,
 Illis, scire iuuat, rebus discrimen inesse.

§. XV.

Ast, vt sanguispuo medeatur, quando vocatus
 Accedit medicus, iubeat vacuare cruorem
 E vena pedis incisa, sed missio larga
 Vt sit, praecipio, repetitaque saepe iuuabit,
 Donec disparet, grauis inflammatio, donec
 Sanguinis orgasmus moderatior incipit esse.
 Intendat neruos, vt fluxio larga cruoris
 Sillatur, sanguis placetur feruidus, atque

Extra vasa cruor stans in pulmone quietus
 Discutiatur, abire malum ne possit in vlcus.
 Ad loca deriuat longe a pulmone remota
 Succos vitales, pulmones versus euntes.
 Tandem praecaueat, ne fluxio forte recurrat.

§. XVI.

Ergo scopo, satis, enarato fiat vt isti:
 Scilicet, vt manans cruor e pulmone, medela
 Apta sistatur, ratio, methodusque requirunt.
 Semen hyosciami, semenque papaueris albi
 Dens hippopotami, tragacantha, corallia rubra,
 Ac opium, cortex peruanus siue granati,
 Sistere manantem succum e pulmone valebunt;
 Camphora praecipue si confociatur eisdem.
 Ex his vel puluis fiat, vel legibus artis
 Formentur pilulae, formetur vel bolus ex his
 Vel cum conferva rubrarum opiata rosarum.
 Symphiton, althaeam, bistortam cum scobe cerui
 Concoque, confocia tenuem cum cortice auenam,
 Addeque quando placet, stellati semen anisi,
 Et da pro potu, qui fluxum sistere pollet.
 Omne farinatum conducit, quippe cruoris
 Acrem demulcet massam, sistitque fluentes
 Purpureos succos, hosque incrassando moratur.
 Quae dixi, studio repeto, repetita iuuabunt:
 Sputo sanguineo gummi tragacantha medetur,
 Vel gummi, quod mittit Arabs, vel cocta bibatur
 Consolidae radix, si fundit pulmo cruorem.
 Albumenque oui quassatum proderit, hoc si
 Sumitur ex lymphâ pura, quam Cinnama stillant,

Permixtum, grata ut fiat medicina palato,
 Addetur quidam coctus cum Zazare succus.
 Quodque gelatina, quod lento glutine pollet
 Auxilium, prodest, opportunumque putatur,
 Illis, e pulmone fluit, queis sanguinis humor.
 Iuscula conueniunt pullorum e carnibus, atque
 E coctis pedibus vitulinis, arte parata.
 At si forte spui nimium e pulmone cruorem
 Taederet, fluor ut sedetur Corticis usu,
 Quem nobis regnum peruanum mittere suescit,
 Suadeo, nec teneat, te quaeso, Corticis huius
 Vanus, inersque metus, peregrinos qui modo, quique
 Vexat in arte rudes. Timor ac audacia, signa
 Sunt medici rudis, ut testatur origine Cous.
 Nil tamen auxilio diuino tutius illo
 Exstat, multiplici si creditur arte peritis.
 At opium fugias, et quaeuis dulcia spernas,
 Absurdumque reor, nimis adstringentibus uti.
 Expandit succos opium, nimiumque perauget,
 Dulcia pulmonem nimium, nimiumque relaxant,
 Nec data pulmoni sunt adstringentia grata,
 Namque in eo retinent, extra qui vasa morantur
 Humores, modo quos corrumpit foeda putredo,
 Vlcus ut hinc, febris, pthisis et mors lenta resultent.

§. XVII.

Sanguinis orgasmus moderetur puluere, rite
 Inter se mistis, quem possunt reddere, nitrum,
 Et sudoriferum sibiium, conchaeque marinae.

§. XVIII.

§. XVIII.

Vi laudatorum mediorum, vique diaetae
Sanguineo fluxu sedato, et sanguinis aestu
 Composito, fas est, vt discutiendo fugetur
 Extra vasa morans cruor in pulmone, malignum
 Vlcus ne pariat, vomicamque pthysinque creando,
 Balsamicis blendis et mitibus expedit vti,
 Vt sunt, Olibanum. terebinthina, myrrhaque massix
 Balsamus e mecca, peruanus balsamus, atque
 Herbae balsamicae, floresque, betonica, ruta
 Scordion, hypericum, cum bellide salvia, botrys,
 Arnica borrago, scabiosa, veronica, farfar,
 Hyssopusque chamaeipyris, venerisque capillus,
 Bardanae radix, acetosae, graminis atque
 Montani feleris, rubiae, cum sassaparilla.

§. XVIII.

Ad loca mittendus cruor a pulmone remota,
 Copia, pulmones ne, sanguinis, occupet, et ne
 Sedatum, possit *sputum* reuocare *cruentum*.
 Excutiis rigidis, pannisque fricare, iuuabit,
 Crura. Calente pedes in aqua tenuisse, salubre est.
 Atque synapissimo furis inferre ruborem;
 Aut vi cantharidum vesicas reddere furis
 Est opportunum. Ventosa cucurbita multa
 Cum flamma furis prodest admota; sed illam
 Sub costis spuris, alienum est, ponere. Crebro
 Lotio, quae stimulat tamen infundatur in aluum
 Aut ex ellebori nigri radice, bouino
 Felle inspissato, veneto sapone, nitroque et
 Zazare connatus globus intrudatur in anum.

§. XX.

§. XX.

Tandem procuret medicus ne forte recursus
Sputi sanguinei contingat. Sanguis in anno
 E vena pedis est bis emittendus, at eius
 Est minuenda tamen, me iudice, copia sensim
 Et sensim, vitae ne vis in corpore plane
 Cesset, et ad sedem fugens ponatur hirudo.
 Fac, haemorrhoides, fac, ut catamenia stillent,
 Fac, tollas, iecoris, vitium, labemque lienis,
 Atque mesenterii fac, ut sit viscus apertum:
 Ni vis, ut redeat *sputum* e pulmone *eruentum*,
 Sit tibi qui mulcet, tibi sit qui sanguinis aestum
 Temperat, et minuit, nonnunquam pulvis in usu.
 Est laxatiuis utendum lenibus, absint,
 Aluum quae stimulis nimis et fortibus vrgent.

§. XXI.

Ast quia sex rebus non naturalibus apte
 Servatis morbos quoscunque cauere valemus:
 Ne vicibus crebris *haemoptoe* sueua reuertat,
 Exacte studeas leges seruare diaetae.
 Hinc vitare decet celeres, vitare frequentes
 Cursus. Elatis noli clamoribus uti.
 Nec gestes humeris, nec tollas pondus in altum.
 Ira, Venus, Bacchus caueantur, sitque loquela
 Sit moderata, precor. Montes ascendere noli.
 Absit aromaticus, calidus cibus, atque salinus,
 Potus aromaticus nunquam calidusque bibatur,
 Estque nefas acidis cuiusuis indolis uti.
 Motus sit semper moderatus, at otia nulla.

Lac eiusque serum bibe, fontibus vtere puris.
Frigus pulmoni nocet, ergo, frigida vites,
Frigidus et crassus pluuiis nebulisque refertus
Esse procul debet quoque subterraneus aër.
Vescere pulte leui, vel vescere mollibus ouis,
Crambe sit in pastu, fluuiatilis astacus, a te,
Contusus nec non in ius mutatus, edatur.
In dapibus tibi sint pulli, teneraeque columbae;
Mensa gerat carnes vitulorum, pectus alaudae
Et perdix placeant, absit temulenta cothurnix
Et nocuo lolio saturata. Caprella lepusque
Exornent mensas. Non turdo gratior esca est
Herbaque petraei suavis, radixque felini
Et radix apii comedantur saepe diuque.
Sed fuge, coffeae potum cane peius et angue.

§. XXII.

Haec de sanguineo placuit componere *sputo*,
Addere multa quidem possem, sed terminus esto.



MELACRISPI

Petraeo - Saxonis,

EPIGRAMMATA,

quae exstant omnia.

Vis Epigramma tuum placeat, fac insit acetum,

Cum Sale, fac breuitas, gratiaque insit ei.

Vel

Fac, epigramma tuum sit mel, sal, fel, et acetum,

Sit tribulus, sit apis, fac, epigramma tuum.

Ad Lectorem.

Quous insulso Clero sapientior esto,

Si Te Epigramma meum, pungit ad instar apis.

Esto magis sapiens, quam simius iste profanus,

Qui frangit speculum, ferre quod ora solet.

Ter, quater, et decies est felix, qui sapit ictus,

Et mentis vitium corrigit, osque premit.



EPIGRAMMATA.

Ad Pontanum.

Pontificas Pontane, firnisque ad Sidera pontem :
Alt aliis, tibi non, pontificare soles.

Ad eundem.

Si cristas effert ex vili spiritus ortu,
Pontanus crassis moribus esse solet,
Si redit ad patrios mores, quos suescit habere
Zythorum coctor, scommata crassa vomit.
Solvit amicitias, mendacia turpia fingit,
Festucas focii, non sua tignā videt.

In Catharinam.

Iure catarrhinas, istas sub nomine signes
Femellas, male quas hic fluor albus habet.

In bonum Pastorem.

Concionator ego sum me cognoscite signis,
Magnifico cartas, Biblia curo nihil.

In Cornutum.

Actaeon, ego sum, coniux cognosce maritum
Signis, creuerunt cornua fronte viro.

In Thaida.

Non fuit, atque colo net, non cruralia texit,
Non panes coëmit, non sibi ligna parat.
Sed modo carne calet nuda, saturatur eadem,
Vndique virtutum plena, pudica Thais.

In Lentilium.

Suspensis gradibus Lentilius ambulat, iret
Vt super oua putes.
Ne duros lapides, quibus vrbis strata platea est
Forſan eundo grauet?
Non ita! ne, nam pes aegrotat vterque podagra
Laedat eundo pedes.

In malam Vxorem.

Eſt bona, ſi mulier morbo quocunque laborat,
Aſt eſſet melior forte, recepta polo.

In Clericum.

Cur tabulas legis de collo ferre ſacerdos
Sueſcit? vt illarum debeat eſſe memor.

In Vrfulam.

Vrfula faſtidit panes, carneſque reſuſat,
Cur? quia conſueſcit viuere carne ſua.

In malam maritani.

Dic quid sit mulier mala? formidabile spectrum

Quod solet esse suo februa flamma viro.

Orcus enim furiis plenus, mala si foret vxor *)

Nunquam mas fieret liber ab hocce malo.

*) Littera X resoluta in S. C, vxor per anagramma
orcus audit.

In Sybillam.

Cornua deponit ceruus frondosa quotannis,

Vtitur hoc quoque mas more, Sybilla, tuus?

Non ita: nam quocunque die, mirabile visu!

Surgunt Cornuto cornua fronte noua.

In Stultum.

Ergo duas albas cartas pendere, finatis

Collo, castrensis, quid? nisi pastor ero.

Clerica gestetur toga, permittatis, vt a me,

Sic ego praeco, senex simius inquit, ero.

His, et castrensis Pater, et vis esse sacerdos?

Falleris! his fratrum, Tu modo stultus eris,

In Altercatorem.

Altercatori pulcerrima cur datur vxor?

Vt longum tempus fallere possit ea.

Non ita: rixantes soboles produceret ex hac

St! St! esse reor tutius, ora premi,

Ne mihi cum natis oriatur forte duellum:

Filius exsequitur, quod Pater ipse patrat,

In Bibacem.

Sicca nocent membris, ceu mus prandere recusas,
Absque meri potu, nec tibi coena placet.

In facies humanas.

Prae se fert species faciei tres homo: nempe
Simius, aut stultus, vel Cato toruus erit.
Si flexis genibus Patri peccata fatetur,
Supplex, tunc imitans Simius esse solet.
Instar erit stulti, si deperit ille puellam:
Si cacat aut pedit, fit grauitate Cato.

Epithaphium Altercatoris.

Conditur hoc tumulo rixator, curre viator!
Nam totus quondam rixaque lisque fuit.
Spiritus illius quum morte solutus abiret,
Manibus indixit iurgia saeua piis.
Aufuge! ne tecum rixator litiget, Aures
Intende! e tumulo vox maledicit, Abi!

In tres facultates.

A doctis emitur prudentia iureperitis,
A medicis emitur perdita saepe salus.
Nil a Theiologis emitur dant omnia gratis.
Sed quid dant gratis? Forfan inane nihil?
Falleris ingenio peccator maxime! verba
Dant grauia ore, manu si grauiora dabis.

In Coniugium.

Et Deus et Satanas sociantur foedere nunquam,
 Nunquam coniungi rixaque paxque queunt.
 Ecce! tamen fiunt, fieri quae posse negabam,
 Foedere iunguntur rixaque, paxque simul.
 Coniugium mirum! quo pax et rixa gubernant,
 Diuisum imperium rixaque paxque tenent.
 Nocte solet pacem moderari rixa, quid ergo?
 Imperat in rixam pax redeunte die.
 Coniugium res est ex rixa, paceque mista:
 Mistio mira quidem, mistio grata tamen!

In Litigatorem temerarium.

Ni sapias, vt sapias ex hilo construe causam,
 Nam nisi tu, sapiet lege crumena tamen.
 Quando crumena sapit, sophiam portabis in illa;
 Hinc cerebrum plenum vermibus intus erit.
 Qui sic mordebunt cerebrum rixator in iram
 Vt ruat, insanus scommaque felque vomat.
 Ex his vermiculis ortam sanare maniam
 Nemo valet mediis, plus valet arte malum.
 Ergo nulla salus superest? vix vlla. Recordor:
 Possset si vellet, virgo leuare malum.

In Midam.

Auriculas asini celat sub crine caprillo
 Midas auritus plus, minus ergo sapit.

Ad cheirurgum stultum.

Quam venam? mediam cheirurge secabis? Aberras:
Est tibi frontalis vena secanda prius.

In Vinum.

Cur natura sagax vinum detraxit asellis?
Ne saperent plusquam nos ratione, puto.

In Nasonem.

Cur natura parens, tenui te ventre creavit?
In naso ventrem fecerat anne tibi?

In Crassum.

Crassus es! at raro disrumpunt crassa. Quid ergo?
Immortalis eris. Cur? quia crassus eras.

In Conuiuas.

A, B, C instar conuiuas esse, sciendum:
Est dicax alter, filet alter, consonat alter.

In Chirurgum crassum.

Sit facies, sit dextra manus, sit lingua modesta
Cheirurgi, crassum vix tolerabit anus.

In Ponticum ICtum corruptum.

Dic, cur lex et ius fileant, mi Pontice? Dicam:
Contractos digitos Iureperitus habet.

In Battum.

In te non ricinos, pedicillum cernis in omni,
Omnibus Argus eris, Talpaque, Batte, tibi.

In rixatorem Sponsum.

Rixator ducit rixosam forte maritam,
Mutuus, ut rixis crescere discat amor.

In Croesum stolidum.

Sors ditat stolidos, sapientes linquit inanes,
Cur? Sapiens Irus vivit ubique bene.

In Praetoris nuptias.

Si coecis oculis amor ac Altraea laborant,
Coecus erit Iudex, coecus amator erit.

In Sponsum.

Obruitur morbis uxorem ducere qui vult,
Scilicet est morbus femina, Cous ait.

Ad Bauum.

Baui lingua fileat sine vino: porrige vinum,
In lingua madida cor feret ille suum.

In Mulieres.

Ducitur alterni muliebris sexus amore :

Ridet , laetatur , flet , petit , odit , amat.

Ad Amantes.

Lis in amore datur , discordia soluit amantes ,

Forsitan vt rixis firmior esset amor.

In stultum diuitem.

Diuitis in oculis residet sapientia , diues

Sit licet is stolidus , doctus et aptus erit.

In Amorem.

Res amor est patiens , nam fert onus omne , refertque

Ipse amor ante tulit , quod patienter , onus.

Ad odarum anacreonticarum Die Kleinigkeiten
dictarum Auctorem.

Ingenio superare patrem , non vltima laus est :

At tu iudicio scis superare patrem.

Hoc Pater expectat , quum venerit vltima lux , sed

Quid dabit ista tibi ? quid dabit ? anne merum ?

Ad Lectorem.

Si mendas epigramma tuis opponit ocellis ,

Ceu speculum facies , ad meliora redi.

In Epigramma.

Absque mero mihi non, mihi non sine Phillide vita,
Absque Salis grano non epigramma placet.

Ad Aldum.

Garrula si posset panem tua lingua lucrari,
Solutus esses non fame.

Ad Chirurgum Diaulum.

Naturam e peiore luto finxisse Diaulum
Cheirurgum, facies, lingua, manusque, docent.

Ad Mopsium.

Vt melius sapias, purgandus es igne priusquam
Ad flammam damnas, Mopse, epigramma meum.

Ad eundem.

Mopsus amat, vinumque bibit, vates tamen haud est:
Cur? Asini cerebrum Mopsus habere solet.

Ad Lectorem.

Fercula falsa sitim pariunt, epigramma legenti
Salsum, o! si vellet conciliare sitim.

In Vrsulam.

Pellibus vrsinis antiquus Teuto iacebat,
Incubet ut tibi vis, Vrsula, Teuto novus?

In Simum.

Magnopere admiror, quod non tua lumina cantent,
Quum nasus sit, ceu fistula, sime, tibi.

In Legem Cornelii.

Lex, fiam gestare vetat cornelia, sed si
Haec sine Vagina sit, licet, hancce geras.

In Midam.

Crinibus auritus peregrinis cur tegit aures?
Forſan vt his illi plurimus eſſet honos?
Forſitan auriculas aſininas conderet illis?
Non negat ille prius, non nego poſterius.

In loquacitatem femellarum.

Quidquid aqua eſt cribro, res eſt arcana puellae,
Scilicet hoc fluit et perfluit illa ſimul,

vel

Cribro immittet aquam, qui dat reticenda puellae,
Nil retinet cribrum, nilque puella dati.

vel

Mandat aquam cribro, qui dat ſecreta puellae,
Ex cribro fluit haec, huicque tacenda fluunt.

In Rixatorem.

Sum nixator ego, ſed me cognoſcite vultu,
Cordis enim vitium contego veſte nigra.

In Concionatorem rixofum, et alcatozem

Concionator ego ſum, me cognoſcite veſte!
Non! es rixator noſceris ore tuo.

vel

Lufor es, ex cartis noſceris ipſe miſ.

In Casparem Rusticum.

Abiice paganos, mores mutando profanos!
Ergo Magus mihi, si Caspar obedit, erit.

Ad Medicum imperitum.

Quorsum festinas? ridens respondit, ad aegros:
At apud hos quid ages? hos dabo, dixit, humo.

In Rosinam.

Mitte rosam, nimiumque rosae ne crede colori!
Ne rosa Te spinis pungat amata, suis.

In Platonis sententiam.

Est animal deplume bipes homo, teste Platone,
Hoc, ratione foret deficiente, Plato.

In Aldum.

Testis abest, dicens, quod sit medicus malus Aldus,
Aegrotos mutos efficit arte sua.

In Coelium.

Optimus est medicus, qui discutit arte dolorem,
Amplius ut nequeat saeuus adesse dolor.
Coelius aegrotos miseros dum ad sidera mittit,
Se nummis ditat, colleque ditat humum.

In Liripipium.

Nocte dieque bibit Liripipius, amphora totus,
Cur? quia rimarum plenus is esse solet. *)

*) - - Commissa tacere

Qui nequit, hic niger est, hunc, tu romane, caueto.

Ad

Ad Momum.

Nasutus sis vsque licet, sis denique Nasus *)

Attamen insipidus, Mome, vocandus eris.

*) Martialis.

In Vinum.

Non nobis, natura feris modo vina negauit:

Saepe tamen similes reddimur hisce, mero.

Ad Medicum.

Quid facies si te formosa puella vocabit,

Intermittentis, quam tenet acre gelu?

Explorare manus pulsus fortasse studebis?

Falleris! haud pulsus suescit habere manus.

At tibi si curae sunt pulsus, tange sinistram

Mammillam, pulsus laeua papilla dabit. *

*) Celsus. Cor natura musculosum, sub sinisteriore pectore salit.

Ad Theologum Volfianum.

Esne boni pastoris, oues defendere contra

Insidias, ouibus, quas sruuit ipse lupo?

Hinc, qui pascis oues Christi sub fronde, tuere,

Ne stygius lupo has dilacerando necet.

Crede lupo sophus est, qui vellere tectus ouillo

Fraude sua stygia fallere tentat oues.

Ergo lupo rapido nimium tu credere noli:

Nam nocuum sub ouis vellere, virus alit.

In Saganum.

Nomen habet Sagan vrbs a verbo dicere: quare
Multa Saganorum dicere vulgus amat.

In Canonicos.

Regula Canonicis dat nomen; sed sine quavis
Viuerē nonnulli ex his aliquando solent.

In Mulieres.

Cous ait: morbus tota est muliercula; Credo,
Nam si non aegra est corpore, mente tamen.

Ad Annam.

Suadeat Anna sibi, gereret quod ventre gemellos:
Sed tumuit flatu, venter et intus aqua.

Ad Momum.

Vulnera percussu iecoris; dicat Auctor Amico:
Hepaticis morbis ergo laborat idem?
Haec, aegrote tamen cerebro, vomis absona, Mome,
Elleborum gulta, mox meliora canes.
Si Fracastorius Bembo sua Carmina mittit,
Syphilidis, fluit, huic hancce fuisse luem?
Nauiget Antyceram, qui secum cogitat istud,
Vt sapiat citius, quam faba flore nitet.

Ad Rixatorem.

Paulus ait: *) non sit rixator episcopus, ergo
Non es legitimus nomen et omen habens.

*) Epist. I. ad Thimoth. Cap. III. com. 4.

Poëta de semetipso.

Vt Fracastorius tam felix esse recuso:

Cur? quia non Bembo Carmina mitto mea.

Responsio ad Poëtam.

Vt Fracastorius non Bembo carmina mittis:

Fac, Fracastorius sis, tibi Bembus erit.

Olympiae Moratae foeminae doctissimae
Epithaphium in Bembum *).

Aonidum moritur, proh! gloria magna sororum

Bembus, qui Venetum Lucifer alter erat.

Mortales inter quem nullus hic aequiparavit

Seu fecisse iuuit, dicere sen decuit.

Quo vita functo visa est facundia rursus

Et Cicero fatis obcubuisse nigris.

*) Ex operibus eiusdem quae ann. c1515 LXX Ba-
sileae prodierunt libr. Carm. II. pag. 241.

In Hieronymi Fracastorii Effigiem.

Ex Fracastorii vultu Podalirius ipse

Elucet, Pallas ridet, Apollo micat.



Errata.

pag. 18 lin. 2. pro refecauit. lege abscidit.

pag. 28 §. 23 lin. 6. —

pro

Ante fores hylax ululabit, noctua, cornix

lege

Ante fores vlulabit Hylax, et noctua, cornix

pag. 52 lin. 12 pro fpeffior, lege fpiffior.

pag. 52 §. 13 lin. 1. pro aeque, lege atque.

- - - 2. pro elatis, lege datis.

pag. 53. §. 14 lin. 17 pro frangans, lege frangens.

pag. 55 lin. 5 pro

Vsque fimul illius vafa laborant

lege

Vsque fimul plagis illius vafa laborant

pag. 78. §. 18. lin. 10 pro

Arnica, borrago, fcabiofa, veronica, farfar

Hyffopusque, chamaeipytiſ, venerisque capillus

lege:

Arnica, borrago, veronica, chamaeipytiſ atque

Hyffopus, fcabiofa leuiſ, Venerisque capillus









